

„Droschak”

ORGANE

de la Fédération

Révolut. Arménienne.

ԴՐՈՇԱԿ

Adresse:

REDACTION DU JOURNAL

„Droschak”

GENÈVE (Suisse)

„ՀԱՅ ՅԵՂԱՓՈԽԱԿԱՆ ԳԱԶՆԱԿՑՈՒԹԵԱՆ” ՕՐԳԱՆ

ԿՈՎԿԱՍԱՆ ՀԱՅԻ ՏԱԳՆԱՊԸ

„Այս է իմաստութեան վերջին խօսքը—
նա է միայն արժանի ազատութեան եւ
կեանքի, ով որ ամէն օր կռուի նւաճում
է նրանց”:

ԳԼՈՐԻ (Պատուատ)

1825 թվին „Խելքից պատուհաս”-ի հռչակաւոր հեղինակ և Արևելքին քաջ ծանօթ Գրիբոեդով իր բարեկամ Իէգիշեվին թէոգոսիայից ուղղած մի նամակում գրում էր. „Ջենովացիներից և հովիւ-թաթարներից յետոյ Ղլրիմ եկանք մենք (ռուսներս) — ընդհանուր ժառանգներս, — իսկ մեզ հետ նաև՝ աւերման ոգին, այդ սովորական մեր ուղեկիցը Արևելքում և Արևմուտքում”:

Եւ առաջ ընթանալով միշտ հաւատարիմ աւերման իր ոգուն՝ Ռուսաստանը, ինչպէս անցեալում, նոյնպէս և այսօր՝ ներկայացնում է ընդհանուր հալածանքի, ընդհանուր աւերածի ու բռնութիւնների մի լայնածաւալ ասպարէզ: Ազգութիւն չմնաց Ռուսաստանում, որ չճշշէր, ժողովուրդ չմնաց, որ չխեղդէր, խօսք, կարծիք, իրաւունք, օրէնք չմնաց — նոյնիսկ կայսերական գահից հռչակւած — որ չտրուէր: Իշխողների և ստրուկների, գիշատիչների և զոհերի, լրտեսների և լրտեսողների մի ահաւոր բեմ է դա՝ փոխադարձ ոխի և ատելութեան կրքերով թունաւորւած: Ռուսաստանը մրցում է Տաճկաստանի հետ պետական կեանքի բոլոր ասպարէզներում՝ նոյնչափ յաջող բացասականում, որչափ և դրականում: Եւ վատաբախտ հային վիճակած է ապրել օր-արեւ տեսնելու իրաւունք հայցել այդ երկու մահաբեր բռնակալութիւնների սահմաններում — „սատանայի և խորը ծովի միջև”, ինչպէս ասում են անգլիացիք:

Եթէ այս դրութիւնը ընդհանրապէս պարզ չէր մեր նախորդների, մեր պապերի ու հայրերի համար, հապա 80-ական թվականներից սկսած, այստեղ և այնտեղ մէկը միւսի կտակից տեղացող ծանր հարւածները այլևս կասկած չթողին այդ մասին՝ ժամանակակից սերունդների մէջ:

Եւ հայ դպրոցների փակումից յետոյ, ահա մենք ականաւոր ենք հայ եկեղեցական կալուածքներին յափշտակման: Այդ կարգի երեւոյթները արդէն սովորական ճշունքների արտայայտութիւն չեն, այլ

բացայայտ ձեռնոց, որ վայրագօրէն նետում է ոռու աւաղակապետութիւնը կովկասահայի ազգային ինքնուրոյնութեանը: Ինչպէս Տաճկաստանում, նոյնպէս և Ռուսաստանում, իզուր անցան ուրեմն „լուութեան”, „խոհեմութեան”, „բարեմիտ հպատակութեան” և „յարմարելու” այն բոլոր պատգամները, որ կովկասահայը դաւանում էր ոռու կառավարութեան վերաբերմամբ: Իզուր էինք մենք լսում, ուրեմն, մեր անամնացած բուրժուազիային ու նրա որդեգրած նորագոյն ինտելիգենցիայի ներկայացուցիչներին — այդ դարձեցիներին, որոնք ընդունակ են, կառավարութիւնից վարձատրելու չափ արժանի եռանդով, հայ ժողովուրդից պատրաստել խողխողող ոչխարների կամ ալլասեռւած անտարբերների մի հօտ միայն: Իզուր էր ուրեմն կովկասահայը հետևում իր կղերին — այդ պատմական անդամալոյծին, որ կախած ժողովրդի յոգնած, արիւնոտ մարմնից, բազմել էր Էջմիածնում, առաջնորդարաններում, պետական գործոցներում և այլուր՝ պրօկուրօրների, նահանգապետների, դիրեկտօրների և յետին ոստիկանի հրամանները կատարելու համար: Իզուր էինք, ուրեմն, կեանքի գծում շահերից մղւած — ինչպէս այդ արեւ ենք հայերս շատ անգամ — այստեղ ևս խլացնում մեր մէջ բոլոր բարձր պահանջները՝ պատւասիրութեան, համարձակութեան, զոհողութեան, ազնիւ պայքարի մեր ամենալաւ հակումները:

Այո, իզուր, բոլորովին իզուր անցան այդ բոլոր խաբուսիկ ջանքերը, „զգուշութեան” այդ թունաւոր քաղաքականութիւնը, անսիրտ ու ստրկամիտ „խելօքների” այդ վարակիչ, այդ անբարոյականացնող և միմիայն իրենց „խելօքների” համար անձնականապէս շատ ձեռնաուրեւ երեմիականները:

Ներկայ համարում տպւած „կովկասեան խաբրիկները” և մի շարք թղթակցութիւններ արդէն տեղի ունեցած հակակառավարչական ցոյցերի մասին՝ գաղափար են տալիս այն դիմադրական տրամադրութեան մասին, որ արտայայտւում է կովկասահայերի մէջ: Պատկերը լրացնելու համար առաջ ենք բերում այստեղ կրկին մի կտոր մեր ընկերոջ մի նամակից.

„Կալւաճների յափշտակման այս տաղնապալից խնդրում ամենաուշագրաւ երեւոյթն է ժողովրդի ծայրէիծայր յնցելն ու շարժելը: Հայ ժողովուրդը ելէքտրականայիլ է մի կրակով, մի զգացումով — դիմադրիլ, կռել, արիւն թափել. դիւղ, քաղաք, համարեա ամէն դասակարգ, ամէն հասակ այժմ միաստիպ են զգում ու մտածում, միատեսակ պահանջներ արտայայտում,

միատեսակ ծրագիրներ կազմում՝ վրէժխնդրութեան, ինքնապաշտպանութեան եւ այլն: Լիւնսիում եւ բարձրագոյն դպրոցներում ժողովուրդը զինւում է: Մի տեղ եւ հանգիստների մօտ 200-300 երիտասարդների՝ ձիաւոր, զինավառ, սպասող ազգանշանի, որ դրոշ տան Մայր-տաճարի պաշտպանութեան համար Ահա ինչու էջ-միածինը պաշարւած է զօրքերով:

Դուք լսել էք երեսի Աշտարակի ցոյցի մասին, բայց չէք լսել, որ երբ Վաղարշապոսի դաւաճողները հրամայում է կողակներին՝ մտրակներով հալածել ժողովրդին դէպի դիւղ, այն ժամանակ Օշականի կողակներին ու դաւաճողների վրայ տեղում են հրացանի գնդակներ բազերի խորքերից եւ ժայռերի արանքներից, ու դաւաճողները ստիպւում է կողակներով յետ դնալ:

Այլեւս անկարելի է զուգեղ ընդհանուր դատումը, ինչպէս անկարելի է Մասիսից ներքեւ թռչող քարա-ժայռերը կանգնեցնել:

Դուքիս դիրք է բռնել հոգեւորականութիւնը (այդ բանին մեծ չափով նպաստել են ժողովուրդը եւ մեր ընկերները): Նա մինչեւ վերջին ծայր կը զինագրէ եւ կամովին ոչինչ չի յանձնիլ կառավարութեան: Եթէ նրանց մէջ կան թուլասիրտներ եւ «խոհեմներ», գրանք էլ որոշ «կազակականների» սիրելիներն են:

Միակ պախարակելի մօմէնար, որ թող տեսնէ հոգեւորականութիւնը — դա մի ուսնի վաղ, համարեա ծածուկ օրհնելն էր... Ժողովուրդը — ուր որ կայ — դա է գգում այս առթիւ եւ սիրտը լցում է վրէժի թոյնով: Լինչեան թուրը նրա բռնեցքում և հիմա, եւ մի քանի ժամանակից յետոյ, գուցէ, դուք լսէք սու-կալի վրէժխնդրութեան գէպերի մասին...

Ոգևորիչ տրամադրութիւն, սրտի խորքում անպատւած, վերաւորւած ժողովրդի զայրոյթ. ուր էիք դուք մինչեւ այժմ... Եթէ դպրոցների փակման ժամանակ հանդէս գայիք շատ նւաղ չափերով անգամ՝ գուցէ իստերիք Գալիցի-ների, դահիճ Պէլէներին եւ անուղեղ Նիկոլաների համար այսօր ճանապարհը դէպի մեր եկեղեցական կալածքները այնքան բաց չհամարւէր, որչափ այդ երևաց այժմ:

Բայց անցածը անցել է, եւ միանգամայն միութարական է այն վճռական սթափումը, որ տիրել է վերջապէս կով-կասահայ հասարակութեան եւ ժողովրդին: Մենք յոռետես չենք եւ կարծում ենք, որ մի անգամ արիւնով սրբա-գործւած դրութիւնը կունենայ իր նշանակալից հետե-ւանքները եւ այլեւս անդարձ պիտի անցնին՝ գնան հայ յեղափոխական շարժման առթիւ օրօր երգողների ժա-մանակները: Անէճք այսուհետեւ լուրթեան, համբերու-թեան եւ ամէն տեսակ «խոհեմութիւնների» առաքեալ-ների: Նզովք այսուհետեւ՝ կուրից խուսափելու, հարւածի տակ ընկճելու, զենքից փախչելու, վախ ու երկիւղի տեսա-կէտից իւրաքանչիւր քայլ լուսաբանելու ընդունակ՝ ամէն կարգի խրաւիղներին: Մեղկ անդորրութիւնը չէ, որ ապահովում է մարդկային Իրաւունքը, այլ Աւելւ՝ անդուլ, անվկանդ: «Առանց կուրի չկայ իրաւունք, ինչպէս որ առանց աշխատանքի չկայ սեփականութիւն: Որքան ճիշդ է ասւած թէ՛ «երեսիդ քրտինքով պիտի վաս-տակես քո հացը», նոյնքան ճիշդ է եւ այն՝ թէ՛ «կուրի մէջ միայն պիտի գտնես քո իրաւունքը»... Արդարութիւնը մի ձեռքում բռնած ունի կշիռ, միւս ձեռքում՝ սուր: Աշխուժ նա կշռում է իրաւունքը, սրով պաշտպանում, հաստատում է նրան: Սուրը առանց կշռի՝ մերկ բռնու-

թիւնն է, կշիռը առանց սրի՝ իրաւունքի անզօրութիւնը — այսպէս է տրամաբանում գերմանացի Երինգ, եւրօպա-կան ամենահռչակաւոր իրաւաբաններից մէկը:

Թուլամիտ պէտք է լինել այս խօսքերում պարունակող ճշմարտութիւնը չըմբռնելու համար: Սակայն եթէ իրա-ւունքը իր պաշտպանութեան համար կուր է պահանջում, հապա կուր իր յաղթանակի համար նեցուկ պիտի ունենայ՝ ու ժ ը: Ուսն է, որ կառավարում է աշխարհ, եւ մենք ձեռք կը բերենք մեր ուղածները՝ երբ ուժ կ'ունենանք: Ո՞վ նոյնիսկ մի հասարակ լակէի պաշտօն կը հաւատար այսօրուայ ուսու կայսր Նիկոլայ II-ի պէս ապուշին, եթէ նա չլինէր Ալեքսանդր III-ի որդին. ո՞վ այնպիսի մի է պիլէպտիքի, ինչպիսին է Գալիցիներ, հասարակ ախուսապահի դեր անգամ կը յանձնէր իր տանը, եթէ նա մեծացած չլինէր ուսու կայսերական աւագակարուն մօ-տերքում: Բայց ահա այդ այլասեւած յիմարների, այդ ցաւաբար լուրերի իրար վայել խմբակցութիւնը՝ յենւած որոշ տրագիցիաների եւ հպատակ ժողովուրդների տգի-տութեան վրայ, իր տրամադրութեան տակ է առել մի-լիարդների բիւջէ եւ իշխում է, ինչպէս ուղում է: Նոյնն է եւ Տաճկաստանում, ուր Արդիւ-Համիդ կոչւող հրէշը, եթէ ծնւած լինէր հպատակի ընտանիքում, վաղուց արդէն, իբրեւ ստորագոյն կարգի ոճրագործ, կախաղան կը լինէր հանւած: Նոյնն է եւ ուրիշ միապետական ու կէս-միապետական երկրներում:

Համարձակութիւն է հարկաւոր՝ իշխողների լսիւշ երեսին չարտելու համար իրենց պատշաճ տեղը մարդ-կային հասարակութեան մէջ. բայց այդ բաւական չէ: Իշխողների կազմակերպւած ուժի դէմ՝ հակադիր ուժ ստեղծելու համար անհրաժեշտ են. ա) ընդհանուր դուր-թեան եւ շահերի պարզ գիտակցութիւն, բ) ոչ մի տեսակ զոհողութիւնից յետ չկանգնելու անյողդող վճռողա-կանութիւն եւ գ) համաձայնութիւն, համբաւելութիւն կուրելու կոչւող տարրերի մէջ:

Անդադառնալով ընդհանուր հայկական կեանքին այս պայմանների տեսակէտից, կարելի է ընդունել, որ վտան-գաւոր կացութեան գիտակցութիւնը օրէցօր աւելի եւ աւելի է ծաւալւում: Հայ ժողովուրդը իր գլխաւոր եւ երկրորդական մասերում այսօր արդէն տեսնում է, թէ որքան նման են Համիդ եւ Նիկոլայ, քիւրդ եւ կօզակ, մէկը՝ գազանութիւնը եւ արիւնարբութիւնը զէնք ընտրած, միւսը՝ մարդատեսցութիւնը եւ ցինիկութիւնը:

Զոհողութիւնն ընդունակութիւնն եւս արտա-յայտեցինք. Պօլսի, Սասունի, Վանի, Զէյթունի եւ Տաճ-կահայաստանի բազմաթիւ ուրիշ վայրերի տւած արիւնին գնաց միանալու Գանձակում, Թիֆլիսում, Բաքում եւ այլ տեղերում յանուն հայ ժողովրդի իրաւունքների նահատակւածների արիւնը:

Համարաւելութիւնն սկզբունքը շնչւած է արդէն այն գործօն հետաքրքրութեամբ, որով ուսուստիւ հետեց տաճկահայկական դատին, իսկ այսօր գալիս է

նոր արտայայտութիւն գտնելու այն բողոքների մէջ, որոնցով տաճկահայ հոգեւորականութիւնը, ժողովուրդը և ուրիշ գաղութներ ձայնակցում են ռուսահայի կռիւն՝ ռուս կառավարութեան դէմ:

Սակայն այդ բոլոր դրական երեւոյթները կազմում են զեռ ևս անհրաժեշտ պահանջների սաղմը միայն: Մինչև այժմ ոչ զոհողութեան ինքնավստահ պատրաստակաւ նուութիւնը ընդգրկեց ազգութեան բոլոր դասակարգերը, ոչ էլ համերաշխութեան, միաբանութեան սկզբունքը դարձաւ կենդանի պահանջ, արիւն ու մարմին՝ ամենուրեք հալածող հայ տարրի մէջ: Ժամանակ է վերջապէս, որ ներկայ մահաշունչ կացութեան դիմաց, երբ տաճկահայկական կոտորածներից յետոյ, գուցէ, գտնուում ենք կովկասահայկական կոտորածների նախապայմաններ, կռելու անդրդուելի վճռողականութիւնը և իրար խառնելու, իրար հետ միանալու, իրօք մի ամբողջութիւն կազմելու միահամուռ, միահոգի պահանջը մեր ընդհանուր նշան-

նաբանը դառնայ: Պատուել է հարկաւոր քարտէզների վրայ այս կամ այն աւազակապետի կաթրով գծուած սահմանները, ջնջել է հարկաւոր այն աշխարհագրական ներկերը, որոնք մեզ բաժանում են իրարից և որոնք առհասարակ մշտական չեն, իսկ երբեմն շատ կարճատե են լինում: Ո՛չ մի բռնութիւն, ոչ մի հալածանք, ոչ մի սահման չէ կարող բաժանել մի ժողովուրդ, եթէ նա, տոգորւած ընդհանուր շահերի գիտակցութեամբ, ունի նաև կռելու անսասան վճռողականութիւն և կապւած, միացած է դարերով սնւած ու պահպանւած ընդհանուր բնաւորների ու զգացմունքների առողջ զարկերակով:

Համարձակութիւն գահակալ խրտեիլակաների և նրանց շրջապատող, նրանց գործակից բոլոր դահիճների ու անբան ստրուկների դիմաց...

Ինքնավստահ վճռողականութիւն՝ ընդհանուր շահերի գիտակցութեամբ լուսավառւած...

Մէկ նպատակ, մէկ ամբողջութիւն՝ յեղափոխական հանձնարար կռիւի համար...

Ա Տ Ե Լ Ո Ւ Թ Ի Ի Ն Ը

Հեռաւոր ու խաւարանիստ աքսորավայրէջ Դէպի մեզ, դէպի մեզ, դէպի մեզ շտապէ, Ո՛վ Ատելութիւն:
Ու մեր Տրտմութեան հետ քոյրաբար Բռնաբարւած աւերակներուն վրայ հսկումի նստէ:

Սուգի, Արիւնի ու Չարչարանքի
Մահագոյժ գիշերներէն յետոյ,
Մաքառումներէն, Բաղխումներէն ու Ընդհարումներէն
Ալ ուժասպառ,
Երբ մեզ մեր հոգեւորքին մէջ իսկ կը լլկեն՝
Վտարելով մեզ մեր կողոպտւած տաճարներէն,
Քեզի կը կառչենք, ո՛վ Ատելութիւն:

Մորիկներուդ^է հզօր շունչովը
Մաքրէ մեր հոգիները մարդկային այն բոլոր տրկա-
րութիւններէն,
Որոնք մեր ստրկութեան կռու կապանքները հիւսեցին.
Մեր նայաւորներուն մէջ Դժոխքիդ Հրդեհները դիր
Ու մեր Չայնին մէջ Մռունչներդ ահարկու,
Մեր Բազուկներուն մէջ Կործանումիդ ուժը՝
Ու մեր Սրտերուն մէջ Թոյնիդ սահանքները հոսեցուր:

Որպէս զի Իժեր ու Վագրեր դարձած՝
Քալներ քեզի հետ
Դէպի ապարանքները Ոճրագործութեան,

Մեր որբ ճակատները
Անոնց երկաթէ պարիսպներուն
Մոլեգնօրէն բաղխելու:

Այս Զննումի ու Հալածանքի ծանր օրերուն մէջ,
Ամէն Սրբութիւններէ առաջ
Դո՛ւ ես, որ սրբազան Ատրուշանի մը նման՝
Պիտի հրայրիս մեր այրիացած խորաններուն մէջ,
Ու մեր հինաւուրց վանքերու կոչնակները
Թախիծի իրիկուններուն մէջէն
Քու անունդ պիտի համերգեն:

Եւ անէ՛ծք այն կղերին,
Որ քեզ մարել ճգնի,
Ու եօթն անգամ անէ՛ծք այն մօրը,
Որ իր գաւակը քեզ չ'ընծայէ:

Ու այսպէս վայրագ, անհաշտ ու քինայող
Վագրերու և Յովազներու վոհմաններու նման՝
Քեզի հետ, ո՛վ Ատելութիւն,
Թափառինք Ընդհարումներու ճամբաներուն վրայ,
Մինչև որ կարող ըլլանք արգասաւոր ու բարբեր
ու հայրենի
Մեր դաշտավայրերուն ու սարահարթերուն վրայ
Խաղաղութեան տաղաւարներն ու վրանները տարա-
ծելու:

Վ Տ Ե Լ Ո Ւ Ն Դ Ի

Մ Ո Ւ Շ—Ս Ն Ս Ո Ւ Ն

Մուշ, 20/3 յուլիս 1903

Լուր մը ելաւ, թէ խումբ մը յեղափոխականներ անցած են Սասուն: Այդ լուրի վրայ՝ կառավարութիւնը զօրք քաշեց Մշոյ գաշտի չորս կողմը և գիշերները սկսաւ հսկել ճամբաներն ու անցքերը: 15 օր տեւեց այդ կէս պաշարման դրութիւնը, որի միջոցին հայ գիւղացին չէր համարձակէր նոյնիսկ իր արտը գնալ: Թէ և քանի օր առաջ վերջացաւ պաշարումը, բայց այժմ ալ ուրիշ դրութիւն մը ստեղծւած է: Զօրքը գիշերով կը յարձակի հայ գիւղերուն վրայ, օգին մէջ հրացան կը պարպէ ու կը սպասէ. չգիտենք՝ կ'ուզէ գիւղացին գիշերով դուրս քաշել-հանել և գնդակի բռնել: Թէ կ'ուզէ իմանալ թէ զէնք ունի հայ գիւղացին, որպէս զի խուզարկէ և ձեռքէն առնէ: Այս վերջինն աւելի հաւանական կը թուի, որովհետեւ երբ զինւած հայ մը կը նկատուի, թիւրքը կը կարծէ, թէ հազարներով զէնք կը բերէ հոս բաժնելու:

Երկու երեք շաբաթէ ի վեր զօրքը Բաղէշի նահանգին մէջ տեղէ տեղ կը փոխադրուի, զեռ յայտնի չէ թէ ինչ նպատակով: Սասուն զօրք բարձրացած է բաւական թւով, բայց զեռ յարձակում գործելու շարժում մը ըրած չէ: Ստոյգ աղբիւրէ կ'իմանանք, թէ կառավարութիւնը գիտած է քիւրդ աշիրէթներուն և խրախուսած է, որ միանան զօրքին ու յարձակին սասունցիներու և հոն եղող յեղափոխականներուն վրայ: Մի քանի աշիրէթներու պատասխանը շատ կտրուկ և խելացի եղած է: Անոնք ըսած են. «Ասկէ առաջ ալ մեզի դրոշմը այդպիսի բան մը ընելու, սակայն երբ եւրօպացի քննիչներ եկան, ամբողջ պատասխանատուութիւնը մեր վրայ ձգեցիք, իբր թէ ինքնագլուխ ըրած ըլլայինք այդ գործը: Ու եթէ հայերու ցուցմունքը չ'ըլլար՝ թէ քրդերը չէին, այլ զօրքերը, եւրօպացին այժմ մեզ ջնջած կ'ըլլար: Արդ եթէ կ'ուզէք այդպիսի բան մը ընենք, բերէք մեզի կայսերական ֆէրման մը այդ իմաստով, որ մենք մեր ծոցը պահենք նեղ պարագային գործադրելու համար. այն ատեն կը միանանք ձեզի՝ ջարդ մը տալու մէջ»:

Սահման, 10/23 յուլիս

Երզրումում համարեա զօրք չէ մնացել: Մուշ չորս կողմից բռնւած է զօրքերով և թնդանօթներով: Ժողովուրդը ահ ու սարսափի մէջ է. ոչ որ չի կարողանում քաղաքից դուրս գալ և երեկոյեան ժամը 6-ից ամէն մարդ փակուած է իր տանը: Կառավարութիւնը խիստ կասկած է տածում, որ հայերը Մշոյ գաշտում խլրտում պիտի առաջ բերեն: Լուրեր են պտտում, որ մի քանի գիւղեր դաշտում քանդուել են, ազգաբնակչութիւնը լեռներն է ապաստանել, իսկ բանտերում տեղ չկայ, որ հայերով լեցնեն: Սասունի շրջականներում Սուրբ Յովհաննու և Առաքելոց վանքերը թիւրքաց զօրքերով գրաւած են. ամէն մէկի մէջ տեղաւորւած է 60-70 զինուոր: Եւրօպական հիւպատոսները շուտով Մուշ կը լինին: Կառավարութիւնը պահանջել է մի քանի զինւած հայերից թողնել զէնքերը և անձնատուր լինել, բայց նրանք չեն համաձայնուել և հեռացել են լեռները:

Լրագիրներում երեւցած այն լուրը՝ իբր Խնուսի մէջ ընդհարում է տեղի ունեցել, պէտք է վերագրել հետեւալ իրողութեան.

Մի քանի ժամանակ առաջ մի խումբ խեղճ ու անզէն պանդուխտներ, բնիկ բուլանլիցիներ, Կովկասից անցնում են սահմանը՝ հայրենիք վերադառնալու նպատակով: Ճանապարհին պատահում են զինուորներ, որոնք կողոպտում են նրանց և յետոյ կոտորում՝ իբր յեղափոխականների: Մի հաւատարմ Պօլսից—մեծ մասամբ թիւրքական աղբիւրներից կամ թիւրք կառավարութեանը ծախւած գործակալներից—եկող հեռագիրներին և այլ տեղեկութիւններին: Եթէ ոչ՝ խեղճ, անզէն, ողորմելի պանդուխտներին տմարդաբար կոտորելը՝ կը դառնայ, ինչպէս ներկայ դէպքում, հազարաւոր հայերի դիմադրութիւն կայսերական զօրքերին:

Սրտի առանձին ցասումով պէտք է հաղորդում ձեզ նաև, որ ըստ նորագոյն կարգադրութեան, երկրից վերջին տարիները գաղթած հայերի կալածները, նոյնիսկ շարժական գոյքերը, սկսել են գրաւել յարքուներ:

Բասեն, 11/27 յուլիս

Կարինի և Մուշի մէջ առևտրական յարաբերութիւնները կտրուել են՝ կառավարութեան հրամանով: Կարինում՝ բերդը և քաղաքը պահպանելու համար մնացել են միայն թնդանօթաձիգները: Վերջրած զօրքի մի մասն թողել են Խնուսի բերդում, իսկ մնացածը (870 հոգի) ուղարկել են Մուշ:

Կառավարութիւնը քրդերին գրգռելու համար լուր էր տարածել, թէ ֆէդայիները մտադիր են յատկապէս քրդերին կոտորել: Սրանք էլ մեծ թւով պատրաստուած են Սասունի վրայ գնալու, իբր նախադրականներ: Կառավարութիւնը իր զօրքերը հանդէս պիտի հանէր քրդերից յետոյ, ինչպէս այդ արեւց Սասունի կոտորածի ժամանակ: Քրդերի առաջին յարձակումը կատարուած է Շէնիքի վրայ, բայց հայերը քշում են քրդերին, իսկ զօրքը, փոխանակ օգնութեան հասնելու, հաւաքում է վրանները և իջնում Մուշ՝ իբր թէ քաղաքը պաշտպանելու նպատակով: Երեւի՝ բուն պատճառն այն է, որ Վանից Մուշ են հասել անգլիական և ռուսական հիւպատոսները ու ֆրանսիական փոխ-հիւպատոսը, որոնք հետաքրքրուած են երկրի դրութեամբ և որոնց աչքի առջև ներկայ հանգամանքներում կառավարութիւնը հայերին կոտորելը նպատակադրւած չէ համարում:

Ոճրագործ կառավարութեան տնկած կախաղանների շարքին մի հատ ևս աւելացաւ: Արնոտ Հայաստանի մի այլ կէտում՝ Երզնկայում, Զէքի փաշայի աչքի առաջ, կախաղան բարձրացրին մեր թանկագին ընկեր Ռուբէնին, մի ժամանակ ամբողջ Երզնկան դողի մէջ ձգող քեռուն: Մասսային կոտորածներից յետոյ յեղափոխական գործը և հայի արդար վրէժի զգացմունքը խեղդելու համար՝ կառավարութիւնը կախաղանի և տերրօրի ճանապարհ է ընտրել: Երզրում—Արամը, Բայազէդում՝ Գարօն և Խաչատուր վարժապետը, Բաղէշում՝ Մարգար վարժապետը, Էդիրնէյում՝ Պետրոսն ու Օննիկը, Երզնկայում՝ Քեռին... Արնոտ հայրենիքի նահատակներ. երբ պիտի ձեր վերջին հառաչից վրէժի մի հզօրագոյն աղաղակ կազմի՝ ուղղւած բարբառոս թշնամուն... Չմեռս էլ Մուշում կախեց մի խեղճ մարդ, նա զարանունով, որ իր կնոջը սպանել էր մահմետականութիւն ընդունելու պատճառով:

ՀԱՅԿԱԿԱՆ ՑՈՑՑԵՐ ԿՈՎԿԱՍՈՒՄ

Հետևեալ նամակները՝ ստացած հետզհետէ մեր խմբագրութեան մէջ ակնառուութեամբ յայտնուեցան անորոշակասեալ հայրութեան տաղնապը եւ ժողովրդական անսովոր ցասման ժայթքումները:

I. Ա.Լ.Է.Ք.ՍԱՆԴՐՈՊՈՒ

Յուլիսի 28-ին ամենայն հայոց կաթողիկոսը՝ վերադառնալով երեկոյեան գնացքով դէպի Սեան կատարած իր ճամբորդութիւնից, գիշերը հանգստացաւ տեղիս առաջնորդարանում, որպէս զի հետեւեալ օրը շարունակէ ճանապարհը դէպի Էջմիածին: Կաթողիկոսի մուտքը Ալէքսանդրոպոլ՝ մեծ իրարանցում առաջ բերեց քաղաքի հասարակութեան մէջ. ահագին, զայրոյթ էր տիրում ժողովրդի բոլոր խաւերում՝ ռուս կառավարութեան վերջին կարգադրութեան առիթով:

Միւս օրը առաւօտեան ժամը 9-ից՝ քաղաքի բոլոր լուսաւորչական եկեղեցիների զանգերը սկսեցին զօղանջել, որ նշան էր համախմբման: Ժամը 10-ին համարեա բոլոր խաւերում փակ էին արդէն եւ մօտ 5,000 հոգի, տղամարդիկ ու կանայք, հաւաքուած առաջնորդարանի դրան՝ սպասում էին կաթողիկոսի դուրս գալուն, որպէս զի յայտնեն նրան իրենց արդար բողոքը: Ուղարկեցին պատգամաւորութիւններ: Սրանց բոլորին ունկնդրելով, կաթողիկոսը խոստացաւ ոչ մի թուղթ չստորագրել, ոչինչ չյանձնել եւ բողոքել կառավարչական կարգադրութեան դէմ: Ապա քիչ յետոյ՝ շրջապատուած իր շքանշանով՝ դուրս եկաւ առաջնորդարանից եւ դիմեց դէպի կայարան: Այդ րոպէին անսովոր իրարանցում ընկաւ ժողովրդի մէջ. բոլորը միաբերան գոչեցին. «Ահ հափառ, մի՛ յանձնիր, մերժիր, մենք քեզ հետ ենք»... Ահագին ամբոխը շրջապատել էր կաթողիկոսական կառքը եւ այդպէս ուղեկցեց նրան մինչև կայարան, բոլոր ժամանակ կրկնելով. «Ահ հափառ, բողոքիր, մերժիր»...

Տպաւորութիւնը անպատմելի է: Ոստիկանութիւնը ամբողջ կազմով լուռ հետեւում էր ժողովրդային այդ հոսանքին: Կայարանում յուզմունքը այնքան մեծ էր, որ քարեր նետեցին ժանդարմների վրայ, չնայած, որ վերջիններս բոլորովին խաղաղ դիրք էին բռնել: Ուրիշ միջադէպեր եւս տեղի ունեցան: Այդպէս, ճանապարհին դէպի կայարան՝ երբ գաւառապետի օգնականը, կամենալով դիւրութիւն տալ կաթողիկոսական կառքին արագ ընթանալու, փորձեց ինքը եւս մտնել կառքի մէջ, ժողովուրդը իսկոյն վար քաշեց նրան կառքից, նկատելով, որ «իր պէս ազտոսների տեղը չէ այն»...

II. ԵՐԵՒԱՆ

Հայոց եկեղեցական-վանական կալուածքների յարքունիս գրաւման կայսերական հրամանը խիստ դիմադրութեան հանգիպեց: Ռուսահայը բարոյապէս եւ հոգեպէս այնքան էլ մեռած չէր, որ լուռ ու մունջ տանէր ամէն տեսակ ոտնձգութիւն, ազգային ամէն տեսակ վերաւորանք: Գաղթիցիների տարիներէից իվեր հայերի դէմ հանած հալածանքները այնքան լցրին դառնութեան բաժակը, որ այս անմիտ, անհեռատես սալգաթի վերջին յափշտակութեան փորձը ցնցեց հայ ժողովրդին, ստիպելով նրան դիմադրութիւն ցոյց տալ, կռիւ յայտարարել, զէնքի դիմել՝ բռնաբարւած իրաւունքները պաշտպանելու համար:

Այդ մտքով օգոստոսի 3-ին մի ցոյց կազմեց Երեւանը, այն Երեւանը, որ մեռած էր համարւում, բայց օրը շարժւեց եւ ուժգին շարժւեց:

Քաղաքի կենտրոնում, նորակառոյց Ս. Լուսաւորիչ եկեղեցում, այդ օրը Մեղրիսեղեկ եպիսկոպոս Մուրադեանի մահաւան պատճառով կատարւելու էր հոգեհանգիստ, ուր ներկայ պիտի լինէր նաեւ առաջնորդ Սուքիաս արքեպիսկոպոսը: Մի փոքրիկ շուկից՝ եկեղեցի թափւեց ժողովրդի ահագին բազմութիւն: Ժամասացութիւնը աւարտելուց յետոյ, երբ առաջնորդը հիւսիսային դռնից դուրս գալով՝ ուզում էր հեռանալ, նրան կանգնեցրեց ժողովուրդը, պահանջելով անմիջապէս Էջմիածին գնալու տանել ժողովրդի կենդանի բողոքը կաթողիկոսին եւ միաբանութեան: Առաջնորդը հրաժարւեց, պատճառաբանելով, որ նա մի անգամ եղել է արդէն Էջմիածնում: Ժողովրդի աղաղակը՝ «նորից գնացէ՛ք, պահանջում ենք, որ գնաք», օգր թնդացրեց: Առաջնորդի յամառելը առաջ բերեց աղմուկ, որը ստիպեց նրան քաշւել եկեղեցի, մինչև որ յայտնեց պօլիցիական պրիստաւը: Այդ ժամանակ բացւեց մի խուճը մարդկանցով պաշտպանուած պարսպի երկաթապատ դուռը եւ առաջնորդը յուզմունքի ու աղաղակների մէջ, մօտենալով հրաւիրւած կառքին, նստեց կառքը: Որոշնշանի վրայ՝ մի խուճը մարդիկ առաջ անցան ու բռնելով ձիերի սանձերից՝ սկսեցին կամաց-կամաց շարժւել դէպի գլխաւոր Աստաֆեան փողոցը, բանի տեղ չդնելով պրիստաւի թախանձանքը՝ ճանապարհ տալ կառքին: Նաղարեան փողոցը լցւեց մօտ 5,000 հոգուց բաղկացած ամբոխով, որը անվերջ աշաղկոտ էր՝ «Բողոքը, բողոքը դէպի Էջմիածին»: Ժողովրդի ծայրը Աստաֆեան փողոցը հասնելով՝ ծուեց դէպի քաղաքային այգին եւ թեքւեց դէպի պօլիցիայի հրապարակը եւ ապա նոյն աղաղակներով ու ցոյցերով ուղղւեց դէպի այն փողոցը, ուր գտնւում է նահանգապետի տունը: Սկզբում պօլիցիան ապուշ կտրած՝ կորցրեց գլուխը, պրիստաւներ եւ ոստիկաններ իրար անցան ու նրանց գործ դրած ջանքերը ապարդիւն եղան: Այդ օրը նահանգապետը ամարանոցից վերադարձել էր եւ իր բնակարանում էր, ուր գտնւում էր նաեւ ոստիկանապետը: Աղաղակը երկուսին էլ սթափեցրեց. ոստիկանապետը, գոյնը թռած, դուրս պրծաւ ամբոխի առաջ, փորձեց կանգնեցնել հոսանքը, մի երկու խօսք փոխանակեց կառքի մէջ նստած եւ ամբոխով սխմած առաջնորդի հետ, բայց ժամանակ չտրւեց խօսքը վերջացնելու. ոստիկանապետի ճիգերը ապարդիւն անցան: Ամբոխը գրոհ տւեց, օգի մէջ փայտեր պտտեցին, մէկը հասաւ ոստիկանապետի թեկին. ժողովուրդը շարժւեց վիթխարի ուժով, իր հոսանքի հետ քշելով առաջնորդի կառքը: Եւ յաղթական կերպով անցնելով նահանգապետի տան առջևից, ռուսաց նորակառոյց եկեղեցու տախտակեայ ցանկապատի ու մեծ այգու միջի անցքով եւ քաղաքի մեծ հրապարակով՝ բարձրացաւ դէպի առաջնորդարան: Սակայն դեռ առաջնորդարան չհասած՝ հոսանքը ծուեց դէպի Հրազդանի կամուրջը նոյն աղաղակներով ու ցոյցերով: Ուղեկցող ոստիկանները արդէն սարսափի տակ, կարծէք մոռացել էին, որ իրենք ոստի-

կաններ են: Հազարաւոր մոլեգնած ամբոխի հոսանքը հասաւ կամրջին և բռնեց այգիների մէջ ձգւած Էջմիածին տանող ճանապարհը: Ոստիկանապետը դարձաւ քաղաք, յայտնեց նահանգապետին, որը անձամբ հեռագրատուն վազելով, հրահանքներ տւեց Էջմիածնի ոստիկանութեանը: Ոստիկանապետը առնելով իր հետ ստրաժնիկների խումբը, շտապեց դէպի Էջմիածին: Նրանց ետևից ուղարկեց նաև երկու վաշտ զինւոր: Դէպի Էջմիածին դիմող բազմութիւնը թողնելով Երեւանում թափթփուկներ՝ ճանապարհին հետզհետէ աճեց, իր հետ միացնելով բոլոր հայերին, որոնք պատահում էին: Ոստիկանապետը ստրաժնիկներով հասաւ ցուցարարներին, միմիայն մի անյաջող փորձ արեց կանգնեցնելու նրանց, ու իսկոյն օդի մէջ թռան քարեր և ստրաժնիկները քամակ դարձրին: Երեւանից ժամը 12-ին դուրս եկող այդ խուռն ամբոխը Փարաքար գիւղը հասաւ ժամը 2-ին: Ամէն ինչ խաղաղ էր. ոտով քայլող ահագին շղթային հետևում էին մօտ 15 կառքեր: Ուղեկցող ստրաժնիկները գնում էին, որպէս ցուցարարները: Այդպէս հոսանքը մօտենում էր Էջմիածնի սահմաններին, երբ ճանապարհը յանկարծ փակւած գտնւեց մի վաշտ զինւորներով և 50-60 ստրաժնիկներով: Վաղարշապատից եկած զօրքը միացաւ Երեւանի զօրքին և նրանց թիւը հասաւ 250-ի: Արգելքը լուրջ էր, դիմադրութիւնը ուժեղ. հոսանքը շարժւեց, ամբոխը կրակ կտրեց, սրերը շողշողացին, զօրքը զալպով արձակեց հրացանները, բայց օդի մէջ, ժողովրդի միջից ևս տրաքեցին ատրճանակներ, զալպերը կրկնեցին, օդի մէջ թռան քարերի կոյտեր, շղթան պատուեց և հոսանքը առաջացաւ՝ տալով մի քանի վիրաւորւած զինւորներ և ցուցարարներ: Հղթայելու այդպիսի փորձեր կրկնեցին մի քանի անգամ, բայց անօգուտ, և հինգ ժամից յետոյ հազարաւոր ամբոխը նոյն աղաղակներով ու ցոյցերով մտաւ Վաղարշապատ, ժողովրդի ոգևորւած ողջոյններով: Ամբոխը ձեւարանի մօտքով լցւեց վանքի բակը: Վեհաբանի մօտքը պահող զինւորները դողդողալով մի կողմ քաշւեցին: Տաս հոգուց մի պատգամաւորութիւն մտաւ վեհարան՝ իր հետ առած առաջնորդին: Երեւանի կաթողիկոսի դիմաւորումը ազդու էր, մտքերը խաղաղացնող: Ժամը 7-ին ցուցարարները վերադառնում էին նոյն յաղթական կոչերով: Տպաւորութիւնը հսկայական էր... Բանտարկւած են 30-ից աւելի հայեր:

III. Է Ջ Մ Ի Ա Ծ Ի Ն

Գրում եմ օգոստոսի 24-ի ցոյցի մասին, որին ահանատես եղայ հէնց այստեղ, Էջմիածնում:

Կաթողիկոսը, երկիւղ կրելով ժողովրդական մեծ համախմբումներից ու արիւնհեղութիւններից, կարգադրել էր մեռօնի օրհնութիւնը կատարել նշանակւած ժամանակից առաջ և գաղտնի կերպով:

Գաղտնիքը այնուամենայնիւ հրապարակ եկաւ և շրջակայ գիւղերից շատ կարճ ժամանակէլ մէջ հաւաքւեց Էջմիածնում մօտ 3 հազար ժողովուրդ: Այդ բազմութիւնից 400-500 կանայք վճռում են իրենց կողմից յատկապէս մի ցոյց անել: Ժամերգութիւնը վերջանալուց յետոյ, կանայք խնւած, դիմում են վեհարանի բակը, երգելով և «Կեցցէ» ու «Կորչի» աղաղակներով: «Կեցցէ» յեղափոխութիւն, կեցցէ հայ ժողովուրդը, հայ եկեղեցին և նրա անբռնաբարելի իրաւունքը. կորչի բռնա-

կալութիւնը: Եւ ապա երգեցին ազատ, յեղափոխական բովանդակութիւն ունեցող զանազան երգեր: Դրանից յետոյ կանանց միջից ընտրեցին մի քանի պատգամաւորներ՝ որոնք ներկայացան Հայրիկին:

Նրանք միաբերան կրկնեցին հազար անգամ արդէն կրկնւած յայտնի բանաձեւը. «Հայ ժողովուրդը առաջարկում է Վեհափառին՝ բոլոր ուժով բողոքել ռուս բռնակալ կառավարութեան վերջին կարգադրութեան դէմ» հայ-եկեղեցական կալածքները յափշտակելու նկատմամբ և ո՛չ մի դէպքում կամովին չյանձնել կալածքները: Թող կառավարութիւնը բռնի ուժով խլի, որպէս աւազակ... Հայրիկը սիրով լսում է կանանց բողոքը, որ առաջինը չէր, իհարկէ, և խոստանում է մինչև վերջին ծայր դիմադրել ու երբէք չյանձնել կամաւոր կերպով:

Արտասանւում են սրտառուէ, զգացւած խօսքեր, արտասոււմ են թէ կաթողիկոսը և թէ կանայք: Արտասուքները, իհարկէ, չպիտի փրկեն մեզ, և ես արձանագրում եմ միայն կատարւած իրողութիւնը: Այնուհետև նորից երգելով, աղմուկներով ցրւում են: Ոստիկանութիւնը լուռ հանդիսատես լինելով՝ վերջը երկու հոգու բանտարկում է տղամարդկանցից և մի քանի ժամից յետոյ արձակուի:

Շարունակ նորանոր պատգամաւորներ և խնդրագրեր են թափւում Էջմիածին, միւսնոյն պահանջով — չյանձնել կամովին, բողոքել բոլոր հնարաւոր միջոցներով:

Սաստիկ յուզւած են Արարատեան դաշտի բոլոր գիւղերը, առանց բացառութեան. Սուրմալուի, Սարգառապատի, Աշտարակի, Օշականի, Բաշ-Գեառնուայ և այլ գիւղերի հասարակութիւնները, առանձին-առանձին, հաւաքական որոշումներով բողոք են ներկայացրել կաթողիկոսին: Բոլորն էլ միւսնոյն ոգով, գրեթէ միւսնոյն բովանդակութեամբ: Առանց չափազանցութեան կարելի է ասել, որ Անդրկովկասի բոլոր հայաբնակ վայրերը — գիւղերն ու քաղաքները — սաստիկ գրգռւած են և կատաղի կերպով բողոքում են կատարւած աւազակութեան դէմ:

Իբրև այդ խնդրի հետ կապւած իրողութիւն, աւելացնեմ, որ վերին աստիճանի անամօթ դիրք է բռնել Սուրմալուի գաւառապետը: Առանց այն էլ այդ անպզամը շատ լըբութիւններ է արել գաւառում. մի կատարեալ հրէշ, որ ամէն ներքի և աններքի միջոցներով ուղղակի խեղդամահ է արել Սուրմալուի հայ ազգաբնակչութիւնը, իսկ մասնաւորապէս վերջին դէպքերի նկատմամբ նա իր լըբութիւնը գազաթնակէտին է հասցրել: Սուրմալուն չէզոք գիրքի մէջ է գրել. բոլոր ճանապարհները փակել է ստրաժնիկներով — բառացի կերպով կտրւած է հաղորդակցութիւնը: Իգգիլի գիւղերը և դէպի Էջմիածին անց ու դարձողներին բռնում, լաւ ծեծ է տալիս և ապա բանտարկում:

Օգոստոսի 23-ին Իգգիլի գաւառից մի քանի հարիւր հոգի ուղեցին զօռով ձեռքել ստրաժնիկներ շղթան և գալ Էջմիածին մեռօնօրհնութեան, բայց գաւառապետը աւելի ուժեղացրել էր հսկողութիւնը, և տեղի ունեցաւ կռիւ. մի կողմը՝ փայտերով ու քարերով զինւած ժողովուրդ, միւս կողմը՝ կառավարութեան զինւած կօզակներ ու ստրաժնիկներ: Սպանւած են հայերից մի-երկու հոգի, վիրաւորւած են մի քանիսը, բանտարկւած են շատերը: Նման ընդհարում տեղի է ունեցել մի շարքով առաջ Աշտարակի, Օշականի, Ղզլթամիլի և այլ հասա-

րակութիւններն ու գաւառապետի, պրիստաւի և ոստիկանների միջև:

Հայրիկը երկու կօնդակ է ուղղել Սինօգին, որով արգելում է կալածքները յանձնել: Երկօնդակ էլ ուղղել է բոլոր կօնսիստօրիաներին, գործակալներին և երեսփոխներին, որով արգելում է առանց իր գիտութեան յանձնել ունէ կալածք կամ եկեղեցական գոյք, դրամ և ըն: Նոյն մտքով երիտասարդութիւնը մի թուղթիկ է ցրել երեսփոխներին ու գործակալներին:

Սինօգի բոլոր անդամները և թեմակալ առաջնորդները մէկ-մէկ հրաժարական են ներկայացրել կաթողիկոսին. մի երկու ժողով է տեղի ունեցել թէ սինօգի անդամների, թէ առաջնորդների և թէ աչքի ընկնող միաբանութիւնների մէջ, ուր կազմել են արձանագրութիւններ բոլորի ստորագրութեամբ, որ ոչ մի դէպքում կամովին չպիտի յանձնեն կայքերը:

IV. Կ Ա Ր Ս

Ուրբաթ, օգոստոսի 22-ին, եկեղեցում ծանուցւեց, որ հետեւեալ օրը 23-ին հսկում պիտի կատարւի, իսկ 24-ին հանգիստն օրը պատարագ և հոգեհանգիստ Մելքիսեդեկ եպիսկոպոս Մուրադեանի համար: 23-ին, շաբաթ առաւօտեան, զանգակի առաջին զօղանջը լսելուն պէս, բոլոր խանութները փակեցին, նոյնիսկ սրճատները, գինեաները, որ երբէք չեն փակում ոչ մի տօնի առիթով: Տաս րօպէում փողոցը ամայացաւ և ժողովրդի մեծ բազմութիւն շտապեց դէպի եկեղեցի, ուր այնքան մարդ էր հաւաքւել, որ ներսը տեղ չէին տալ պատճառով՝ շտաբը պարսպում էին չորսը լուռ ու մտախոհ՝ ժողովուրդը ծնկաչօք ձայնակցում էր խիստ ու սրտառու ձեղձիներին: Ոստիկանութիւնը զարմանքով հետևում էր հեռուից ժողովրդի այդ արտասովոր աղօթքին ու տօնին:

Օգոստոսի 24-ին, կիրակի օրը, առաւօտից սկսեցին բազմաթիւ գիւղացիների բազմութիւն խմբեր, շատ տեղերից քահանաներով ու երեսփոխներով: Եկեղեցիների մէջ կային նաև կին ու երեխաներ: Կրօնք իրենց հետ բերում էին բողոքագրեր, որով խնդրում են Հայրիկին չյանձնել մեր աւանդական սեփականութիւնները: Բողոքագրերը, որոնց թիւը հասնում էր 50-ի, կրում էին բազմութիւն ստորագրութիւններ: Գիւղական տարրի հաւաքումը շարունակեց մինչև հանդէսի վերջերը: 2րդ նախելով, որ խորհուրդ էր տրւած զէնք չվերցնել հետները, շտաբը հագուստի տակից զննւած էին դաշոյններով, ատրճառներով, ուրիշները փայտերով ու մահակներով: Գիւղացիների այդ հոծ բազմութիւնը քաղաքացիների հետ մօտ 6 հազար հոգի — լցրել էր եկեղեցին, մի խոշոր մասն էլ ներսում տեղ չգտնելով՝ մնացել էր դուրսը: Գիւղացիք այնքան շատ էին, որ քաղաքացիները նրանց մէջ համարեա չէին նշմարում: Առաւօտից քաղաքում, բառի բուն նշանակութեամբ, ոչ մի բաց խանութ չկար առևտրի համար: Կոյնիսկ կառապանները չէին լծել կառքերը: Ժողովրդի մէջ նկատւում էր անսովոր տրամադրութիւն. բոլորը տխուր, մտաւրաւ էին, փայտի նշոյլ անգամ չէր երևում և ոչ մի դէմքի վրայ: Հանգիստն օրը պատարագի ժամանակ՝ զգացւած երգում էր քառաձայն խումբը: Յուզել, տխրալի շեշտով էին արտասանում քահանաների ու դպիրների մեղեդիներն ու աղօթքները: Դպիրներին թոյլ չտւին յիշել կայսրի անունը: Պատա-

րագի միջոցին քահանաներից մինը ազդու քարոզ խօսեց: Ժողովրդի յուզումը սաստկացաւ հոգեհանգստից առաջ, որ կատարւելու էր Մելքիսեդեկ Մուրադեանի համար, մի օրիորդ ճառ կարգաց: Գրանից յետոյ մէկը երգեց. «Ո՛վ հայոց Աստուած... Բուքէն սրտաշարժ էր. ժողովրդին տիրեց շանկարագրելի յուզում: Այս ու այն կողմից լսում էին զսպած հեկեկանքներ, որ քանի գնում սաստկանում էին: Մի պարոն խօսեց վերին տատիճանի ցնցող, ոգևորիչ ճառ: Գառի ամէն մի պարբերութիւնից յետոյ լսում էր խլացնող բարձրաձայն հեկեկանք... Լալիս էին ամէնքը՝ կին ու տղամարդ, մեծ ու փոքր, ծեր ու երիտասարդ: Երբ ճառասացը մի պարբերութեան մէջ հարցական շեշտ արեց դէպի ժողովուրդը, վերջինս ահարկու ձայնով որոտաց 5-6 անգամ. «Պատրիստ ենք, պատրիստ ենք», այսինքն պատրիստ են արեան գնով պաշտպանել իրենց դարաւոր իրաւունքները... Վերջացաւ և հոգեհանգիստը, բայց լարւած, էլեբարականացած ժողովուրդը երկար ժամանակ չէր ուզում հեռանալ եկեղեցուց: Վերջապէս խնդրեցին գիւղացիներին դուրս գնալ, որպէս զի քաղաքացիները կարողանան շարժւել և մօտենալ ստորագրելու խնդիր-բողոքագիրը կաթողիկոսի հասցէին: Գիւղացի կանայք յանդիմանում էին քաղաքացի կանանց, որ վերջիններս զուգւած, զարդարւած են եկել եկեղեցի. նրանք ասում էին. «2էրօ կարող սև գլխակապերով գալ խօս հարսանիք չէք եկել... Կանանց առաջարկում էին ցրել, ասելով, որ բաւական է տղամարդկանց ստորագրութիւնը, բայց նրանք չհեռացան: Գուրս եկաւ մի աղքատ պառաւ և պահանջեց, որ իրեն թոյլ տան ամենից առաջ ստորագրել: Անգրագետ էր, մի ուրիշը ստորագրեց նրա տեղ: Այնուհետև շարունակեց տղամարդկանց և կանանց խառն ստորագրութիւնը: Գուրսը, բակում, ամբոխը խմբերի բաժանւած, շարունակում էր խօսել յուզւած ու ոգևորւած. գիւղացիներից շատերը թերթեր, թուղթիկներ էին խնդրում սրանից, նրանից... Վերջապէս կարողացան ժողովրդին համոզել, որ ցրեն: Ժողովուրդը այլքների նման սկսեց լցնել ամայացած փողոցները, բայց էլի չէր ուզում ցրել:

Մաճատիա գիւղի տանուտէրը, որ հրաժարւել էր ստորագրել բողոքագիրը, սարսափելի ծեծ կերաւ գիւղացիներից և քաղաքացիներից, այնպէս որ նրա դէմքը արիւնով ու ցեխով ծածկւեց: Պրիստաւի օգնականը սուրը հանած՝ յարձակեց տղայոց վրայ, բայց տղերքը իսկոյն սուրը խլցին ձեռքից և սաստիկ ծեծ տւին նրան բռնեցքով, փայտով, ոտով. ցեխերի մէջ կոխեցին և շորերը բռնեցքով, փայտով, ոտով. ցեխերի մէջ կոխեցին և շորերը պատռեցին. զոհը փախաւ: Ոստիկանատան բոլոր միւս ծառայողները և պրիստաւը մի րոպէ անգամ չէին հեռանում ոստիկանատան պատերի մօտից: Սաստիկ վախեցած՝ նրանք հեռուից հետևում էին ամբոխի շարժման: Երբ պրիստաւին իմաց տւին փողոցի մէջ կատարւածի մասին, իսկոյն ձի բերել տւեց և դատարկ փողոցներով գնաց ու հրաւիրեց տեղական զօրքը (հայ զինուորիներն չէին վերցրել): Զինուորիներ, ստրաժնիկներ, գարադաւոյներ հետը առած, ձի նստած և ձեռքը ատրճառակին դրած՝ պրիստաւը սկսեց շրջել փողոցները և հրամայել, որ ցրեն: Բայց ժողովուրդը հանգարտ ու կամացուկ պատում էր՝ առանց մաղաչափ ուղարկութիւն դարձնելու նրա սպառնալիքներին ու բացականչութիւններին: Գիւղացիները այս ու այն կողմից բացականչում էին. «միք վախենալ, միք շտապել, կամաց-կամաց»: Կոյն օրը երե-

կոյնան գաւառապետը գիւղից վերադարձաւ թէ չէ, իսկոյն հրամայեց նորից զօրք բերել և ցրել քաղաքում, բայց քաղաքացիները մինչև գիշերւայ ժամի 10-ը սովորականից աւելի մեծ խմբերով դեռ ման էին գալիս փողոցներում: Հատ տեղերում երիտասարդական խմբեր, բաղկացած 20-30 հոգուց, շրջում էին քաղաքի կենտրոնական մասերում և յեղափոխական երգեր էին երգում: Սարսափած ոստիկանութիւնը բնաւ չմօտեցաւ նրանց: Նոյնիսկ ոստիկանատան առաջ կանգնած՝ բարձրաձայն յեղափոխական երգեր երգեցին: Այդ բոլորը տեսնելով մինչև խոր գիշեր:

Գաւառում Կորիս գիւղի քահանան, որ մի զգուշացնելու օրինակ, ընդդիմացել է բողոքաբերները ստորագրելուն, բայց զայրացած գիւղացիները իրենք վերցրել ու ստորագրել են, իսկ քահանային, ձեռքից առնելով եկեղեցու բանալին, դուրս են բռնել գիւղից: Այս պատրաստել են մի խնդրագիր կաթողիկոսին, որ հրաժարեցնէ նրան քահանայութիւնից:

V. Գ Ա Ն Ձ Ա Կ

Օգոստոսի 29-ին, առաւօտեան ժամը 10-11-ին, Գանձակի հայ ժողովուրդը թուով մօտ 10 հազար հոգի՝ այր, կին, տղայ և աղջիկ՝ խուռն բազմութեամբ հաւաքւելով քաղաքի վերի հայ եկեղեցու մօտ՝ դիմում է դէպի վարի եկեղեցին, ուր գտնուում է և առաջնորդաւորանը, որպէս զի յաջորդ Բէնիկ վարդապետին յայտնէ իր խնդիրը եկեղեցապատկան կալածքների յափշտակման մասին՝ վախենալով, որ մի գուցէ հոգեւորականութիւնը յօժարակամ յանձնէ կառավարութեան: Ժողովուրդը նպատակ ունէր պահանջել բացարձակ դիմադրութիւն: Ճանապարհին ոստիկանապետը իր պահնորդախմբով ընդառաջ է գալիս և խնդրում է ցրել: Գրան ի պատասխան՝ ամբոխը քարեր է նետում և յետ մղելով ոստիկաններին՝ շարունակում է ճանապարհը դէպի առաջնորդարան: Տեղ հասնելով, ժողովուրդը պահանջում է Բէնիկ վարդապետին: Բէնիկը չի դուրս գալիս: Ժողովուրդը վրդովւած՝ կրկնում է իր պահանջը, սպառնալով ներս խուժել, և սկսում է քարեր նետել դէպի լուսամուտները: ջարդում են շատ ապակիներ: Վերջապէս երևում է Բէնիկը և սկսում է հանգստացնել ժողովրդի յուզմունքը, յայտնելով միաժամանակ, որ ոչինչ չի յանձնել յօժարակամ, ինչպէս այդ մասին արդէն հրահանգ է ստացւած վեհափառ կաթողիկոսից: Այդ ժամանակ վրայ է հասնում ոստիկանապետը և սկսում է մեղադրել Բէնիկին, թէ իբր այդ բոլորը նա է ծրագրել: Նոյն րոպէին իմաց է տրուում ոստիկանապետին, թէ պահանջւած վաշտը կամուրջը անցնելով՝ բարձրանում է արդէն դէպի եկեղեցին: Ոստիկանապետը ինկատի ունենալով ժողովրդի լարւած տրամադրութիւնը, հեռացնում է վաշտը, բայց շուտով միջամտում է փոխանահանգապետը՝ ամենից առաւած մի անձնաւորութիւն, հրէա՝ մկրտւած ռուս՝ որ հրամայում է յետ կանչել զօրքը: Երկրորդ և երրորդ անգամ հրամայեց ամբոխին ցրել, բայց և ամէն անգամ ամբոխը պատասխանեց քարերի կարկուտով ու ատրճանակներով: Յանկարծ բազմութեան միջից դուրս է գալիս մի երիտասարդ արհեստավար և դիմելով փոխանահանգապետին՝ ասում է. «մենք չենք կամենում մեր ազգային գոյքը ձեռտալ և չենք ուզում քեզ պէս փոխել մեր դաւանութիւնը,

աղտո՞ւմ»: Սատրապը իսկոյն հանում է ատրճանակը և տեղն ու տեղը սպանում երիտասարդին: Այս հրամայում է կրակ տեղաւ: Գնդակահարութիւնը տեւում է կէս ժամ: Վիրաւորւել են մի զինւոր և մի քանի ոստիկաններ: Անմիջապէս մահ գտնողներ եղան հայերից նոյն ժամին 10 հոգի, վիրաւորւածներ՝ 70, որոնցից 20 հոգի շուտով վախճանւեցին: Առաջին զոհերից մէկն է մի 13 տարեկան օրիորդ, որի բերանից անցնելով՝ մահացու գնդակը փշուրւ է ամբողջ գանկը: Մի ուրիշ երեխայ, գնդակահար ընկնելով՝ ոտերի տակ է գտնում իր մահը աղիւղորմ գալարումներով: Տեսարանը դժոխային էր...

Հետեւալ օրը ամբողջ քաղաքը լցեց ոստիկանապահապաններով: Կարգադրեց միաժամանակ՝ երկաթուղու կայարանում Թիֆլիզ գնալու տոմսակ չծախել հայերին: Մէկը, որ մինչև այդ կարգադրութիւնը գնած էր տոմսակ, անմիջապէս ձերբակալեց:

VI. Թ Ի Ֆ Լ Ի Ս

Օգոստոսի 30-ին տեղիս պաշտօնական թերթը հաղորդեց Գանձակում տեղի ունեցած արիւնոտ դէպքը, իհարկէ, աղաւաղումներով: Լուրը արագութեամբ տարածւեց ժողովրդի մէջ: այդ օրը ամբողջ Թիֆլիսի ազգաբնակչութիւնը խօսում էր ռուսաց բարբարոսութեան մասին:

Կիրակի, 31-ին, վաղից Մայր-եկեղեցում պիտի կատարէր հոգեհանգիստ՝ Գանձակի մէջ նահատակւած հայերի յիշատակին: Գեռ պատարագը չսկսւած, ժողովուրդը, հետզհետէ ստարանալով լցրեց եկեղեցին: մեծ բազմութիւն ևս մնաց դուրսը: Նստելիքենա տարրը աչքի էր ընկնում իր թուով: Ընդհանուր խօսակցութեան առարկան Գանձակի դէպքն էր: Տիրում էր արտակարգ յուզմունք. ձեռքից ձեռք էր անցնում «Հայ ժողովրդին» ուղղւած պրօկլամացիան, որ կուռի հրաւեր էր:

Պատարագը վերջանալուց՝ հոգեւորականութիւնը դուրս եկաւ բակը և սկսեց կատարել հոգեհանգիստ: «Տէր Ողորմեա»-ի ժամանակ ամբողջ բազմութիւնը չորեց: Բոպէն հանդիսաւոր էր և սրտաճմիրի: Ամենքը պատրաստ էին կատաղութեան արտասուք թափելու...

Բակի մէջ ցիրուցան կանգնած էին ոստիկաններ և թաղականներ, դուրսը՝ բակի դրան մօտ՝ չորս-հինգ հեծելազինւորներ: Բիչ հեռու, Ներսիսեան դպրոցի այրւած կրպակներում, կար պահեստի համար 100 հոգու չափ հեծելազօրք: Երբ հոգեհանգիստը վերջացաւ՝ հայր Տէր-Արարատեանը, ասում են, նզովք արտասանեց կառավարութեան հասցէին. անմիջապէս օդը նետեցին պրօկլամացիաներ և լուեցին մի շարք «կեցցէ՛ներ»: Ոստիկանները միջամտում են և պահանջում լուել: Նրանք ուզում են մի երկուսին քարշ տալով դուրս անել, բայց ժողովուրդը գրոհ է տալիս և սկսում է ծեծել: Մի քանի ոստիկաններ ու թաղականներ դրսից դէպի ներս են սլանում, բայց բռնւում ու ծեծւում են: Ամբոխը անընդհատ քարեր է նետում և ատրճանակներ է պարպում պրօկլամականների վրայ: Այդ սոսկալի իրարանցումի միջոցին մէկը բարձրացած գանդակատուն՝ անընդհատ զանգահարում էր: Հեծելազուգը քշում է ձիերը և սկսում է մարդկանց ոտնահարել ու մտրակահարել: Կօղակների խուժքը, միացած ստրաժնիկների հետ, անխնայ ծեծում է հանդիպողներին: Զօրքը միաժամանակ գնդակներ է արձակում: Մի երեխայ գնդակահար եղաւ

մի անգութ ստրամենիկի ձեռքով: Մի գործաւոր ծանր վէրք ստացաւ: Շատերը վիրաւորուեցին: Ձերբակալուեց Տէր-Արարատեան քահանան երեք ուրիշ հայերի հետ: Երբ ամբողջ ցրեց և բակը դատարկուեց, եկեղեցոս դուռը կողպեցին և պահապաններ կանգնեցրին:

Դէպքից յետոյ Թիֆլիսի փողոցներում ձիով շրջում էին կողակների խմբեր և բազմաթիւ ոստիկաններ:

Հետեւեալ օրը եկան արձանագրելու Ներսիսեան դըպրոցի գոյքը: Նշանակեալ ժամին՝ դպրոցի հոգաբարձուներից ոչ ոք չեկաւ, և յանձնաժողովը նրանց բացակայութեամբ կազմեց արձանագրութիւնը:

Թ Ղ Թ Ա Կ Ց Ո Ի Թ Ի Ի Ն Ն Ե Ր

Ն Ա Մ Ա Կ Վ Ա Ն Ե Ն

6/19 յունիս, 1903

Մայիսի 19-ին, երկուշաբթի վաղ առաւօտեան, ժողովուրդը հանգիստ իր աշխատանքին կերթար. սակայն գետի եզերքը մօտ 40 զինեալ մարդիկ տեսնելով՝ վախէն յետ կը դառնայ և թիւրքերուն կը հարցնէ, թէ այն ինչ մարդիկ են: Թիւրքերը կը պատասխանեն, թէ շուտով կոտորած տեղի պիտի ունենայ հայոց թաղերի մէջ և խորհուրդ կուտան շուտով երթալ ու տներն ապաստանիլ կամ ազատելու միջոցներ խորհիլ: Ժողովուրդը այս լուրէն սարսափահար, լեղինքը ջուր դարձած, արիւնին ահէն սառած՝ կը թողուն տուները — թիւրքերու տուններուն կից լինելու պատճառով — ու կ'ապաստանին բողոքականաց վարժարանը, Կրկնի լացը, սուգը, կական... Դեսպանների միջոցով եղելութեան մասին իմաց կուտան կուսակալին, ասիկա ալ՝ հանգստացնելով վրդովւած մարտքերը, կ'ըսէ. «Ելէ՛ք և ձեր բաներուն գացէ՛ք. ոչինչ չի լինիր, ես երաշխաւոր եմ»: Սակայն ժողովուրդը, ոչ մի տեղ գործի չէր գացած. շուկան ամբողջ օրը գոց էր:

Այս տարի գարնան մի գաղտնի տարածայնութիւն ելաւ. քիւրդերու մէջ, թէ կառավարութիւնը հայերուն ջարդելու նոր հրամաններ արձակած է: Շուտով սա խնդիրն էլ փակեց կառավարութիւնը, որովհետեւ գործերնին չէր գար, որ իրենց պատրաստած գաղտնի ծրագիրները ժամանակէն առաջ յայտնի լինին և իբր ցոյց այս լուրը տարածող թիւրքը բռնեց և յետ ուղարկեց իր հայրենիքը: Սակայն չպատժեց ան, որ այս ամէն շփոթութիւններուն բուն պատճառը եղած էր — տիրա-հռչակ և վատահամբաւ Մահմադը, որ 96-ի կոտորածին ատեն ջարդերու պարագլուխն էր, որ 6-7 հայ մարդ իրարու ետեւէ կարգ-կարգ կանգնեցրեց՝ հրացանին ուժը փորձելու համար, որ մտաւ Սէրէմճեանի տունը, տղա-մարդերը սպաննեց, կիները առեւանգեց ևն, ևն:

Այժմ կառավարութիւնը իր մօտ կանչելով գաղտնի խորհուրդներ կուտայ հետեւեալ քիւրդ պէյերուն՝ մարգիկի Շէրիֆ պէյ, մըլանցի Մէհմէտ պէյ, մակուրցի Իբրահիմ պէյ, ըմսըկցի Սատիմ պէյ, շանըցի Քամիլ պէյ, հայտարանցի Մէհմէտ պէյ, շիտանցի Էմիր պէյ, շէրէֆանցի Հասան պէյ ևն: Տեսնենք, ինչ փոթորիկ կը պատրաստուի մեր գլխուն:

Կառավարութիւնը նոր օրէնք է հանած, որով տուրքերը մի-մի մարդ պիտի հաւաքէ և երեք անգամէն պիտի վճարւին: Չնայած ատոր այժմ 80-90 զօրքերով

հաւաքելու կուգան տուրքերը. կը ծեծեն, կը նեղեն, ունեցած-չունեցածնին կը ծախեն, տուրքի հաշւին կ'առնուն ու կերթան: Գիւղացիներու բողոքները լսող չկայ:

Ն Ա Մ Ա Կ Ա Ն Լ Ա Թ Է Ն

20/3 յուլիս, 1903

Ո՞վ կրնայ թիւրքի կեղծուպատիր քաղաքականութեան դարձածները ճշդիւ իմանալ: Հոգի նման՝ մերթ այս, մերթ այն կողմէն կը փչէ և երկրի տարբեր մասերու մէջ տարբեր քաղաքականութեան կը հետեւի: Հոն, ուր գիտէ թէ այս ինչ պարագաներու տակ աղմուկ բարձրանալը վնասակար է, իր խստութիւնները քիչ մը կը մեղմէ, սպասելով, որ մի այլ առթիւ փոխարէնը ընու:

Իսլանդիէն հաստատ աղբիւր է կը հաղորդեն, թէ քիւրդ թողունները կը ձերբակալեն, հրացանները ձեռքերնէն կը խլին: Իբր թէ բարեկարգութիւն կ'ընէ օսմանցին: Վայ հաւատացողին: Նոյն տեղէն կ'իմանանք նաև, թէ սպանութեանց թիւը աճած է, քրդութիւնը ծայրայեղօրէն գրգռած է հայութեան դէմ և օր օրին կը սպաննէ հանդիպող հայը: Պատճառը որոշ է: Այս գարնան կոտորածի մը հրահանգ տուած էր քրդերուն. երկրաշարժը պատճառ եղաւ այդ հրահանգի գործադրումը յետաձգելու: Այժմ, երբ երկրաշարժի դառնութիւնները մոռցուեցան, քրդերը կ'ուզեն վերսկսել իրենց գործը. սակայն կառավարութիւնը նպաստաւոր չի տեսնէր պարագաները, որովհետեւ երկրաշարժի աղէտը քննելու համար օտար հիւպատոսներ կը գտնուին այն կողմերը: Քիւրդը չի հասկնար այդ քաղաքականութիւնը, հետեւաբար իրեն տուած հրահանգի գործադրման կը հետամտի. իսկ թիւրքը, անկարող ըլլալով իր ներքին քաղաքականութիւնը անգէտ քիւրդին հասկցնել, սկսած է զայն նեղել և վերջիններն իրենցմասին մտածելով՝ պահ մը մոռցան հայերը:

Ինորոշ փաստ մը պատահած է նորերս:

Ամսոյս 15-ին խումը մը ֆէդայի կը տեսնուի հայ գիւղերէն միոյն մէջ: Տեսնողները կ'ըլլան երկու քիւրդ: Մին կը փութայ կառավարութեան լուր տալ, իսկ միւսը հայ գիւղը կերթայ և միջոցներ ցոյց կուտայ, որ իր ընկերը անխոհեմ քայլին առջեւ առնէ: Մինչև զօրքը կուգայ, ֆէդայիները կը յաջողին տեղերնին փոխել, առանց տեսնելու: Քրդերէն մին բացարձակապէս կուրանայ ֆէդայի տեսնելը և կ'օգնէ հայերուն խնդիրը առանց աղմուկի գոցեն. այդպէս ալ կը յաջողին: Նոյն օրը երեկոյեան, մատնիչ քրդու հայրը և գիւղացիները հայոց գիւղը կուգան, կը կանչեն մատնիչը և հայերու առջև հրապարակաւ կը հանդիմանեն ըսելով. «Ֆէդային ոչ որի վնաս չհասցնենք, քրդու մը վատ խօսք մը չ'ըսենք, ալ ինչն է քեզ այդ վատ արարքին մղող շարժառիթը»: Յետոյ ցաւակցութիւն կը յայտնեն գիւղապետին պատահարի մասին և կը խոստանան, որ երկրորդ անգամ իրենց գիւղացիներու կողմէն այդպիսի վատ վարմունք տեղի չպիտի ունենար:

Նոյն ամսի 17-ին ուրիշ հայ գիւղի մը մէջ ֆէդայիները կը նկատուին երկու քիւրդէ, որոնք հրացան կը պարպեն ֆէդայիներու վրայ: Ֆէդայիները առանց ուշադրութիւն դարձնելու կը փութան դէպի լեռը՝ դիրքեր

բռնելու: Քիչ ետք շրջակայ քիւրդ գիւղերէն մօտ 100 զինեալ քիւրդեր օգնութեան կը հասնին, կարծելով թէ իրենցմէ ոմանք կուի բռնած են թշնամի մը հետ: Բայց երբ հայ գիւղը կը հասնին և կ'իմանան թէ ֆէ-դայիներ տեսնած են, լաւ մը կը յանդիմանեն երկու քիւրդերը, որ այդ աղմուկը հանած էին: Յեղապետ աղան կը կանչէ այդ 100 զինեալներն ու կ'ըսէ. «25մ ուլքեր, որ ֆէդայիի վրայ յարձակիք անոնք մեռնող և մեռցնող մարդիկ են: Բայց աստի մեզի ուէ վնաս չեն հասցներ: Լաւ չէ անոնց հետ թշնամանալ»: Տարաբախտաբար այս բացատրութիւն անցողական երևոյթ է: Եւ որպէս զի սխալ չհասկնալ, թէ քրդութիւնը բարեկրթած և հայը սիրել սկսած է, պէտք է ըսել՝ թէ քիւրդը կը շարունակէ իր ալան-թալանը, աւար-աւերը հայու նկատմամբ և միայն հայ ֆէդայիէն կը վախնայ ու չ'ուզեր զուր տեղը թշնամանալ անոր հետ:

ՎՈՎԿԱՍՏԵԱՆ ԽԱՐԻԿՆԵՐ

ՔՍԱՆԾՐԵՔԵՐՈՐԴ ՆԱՄՍԿ

Պետերբուրգ, սեպտեմբերի 4

Յուզման օրեր են:

Օր չէ անցնում, որ կովկասեան քաղաքներից, ուր մինչև այժմ լուում էին խորին հպատակութեան ներքոյներ և կամ համակերպութեան անվորով քարոզներ, չհնչէին ժողովրդական բողոքի ձայներ՝ ուղղած «բարեխնամ կառավարութեան»:

Պատճառը այն նոր դաւն է, որ միապետութիւնը լարեց...

Եւ այս անգամ հայկական տկարութեւ եկեղեցու դէմ: «Լոյս տեսաւ բարձրագոյն հրաման՝ հայ-լուսաւորչական եկեղեցու կալածքները գրաւելու մասին» — ահա այն հակիրճ հեռագիրը, որ ինչպէս ռուս պալմեց կովկասեան հայութեան գլխին, ներկայ տարւայ յուլիսի սկզբներին, երբ միամիտ ժողովուրդը, համառուսական շարժումների հանդէպ, իրան համարում էր, գէթ առժամանակ, «մոռացած», ազատ՝ նոր փորձանքներից:

Հետաքրքրական են նախապատրաստական մանրամասները: Ամբողջ եօթն ամիս իշխան Գալիցին, կովկասեան ցաւագարը, Պետերբուրգ հաստատած՝ մտքեր էր պատրաստում իր հին ծրագիրը յաղթանակով պսակելու համար: Պրեզիդենտի, ի հարկէ, նրան քաջալերեց: Ձայնակցեցին մի քանի վարագուրած «ուժեր» ևս: Եւ սրտապնդած այդ աջակցութիւններից, նա ներկայացաւ մինիստրական կոմիտէին: Սակայն այդտեղ — անսպասելի բան — փոքրիկ դիմադրութեան հանդիպեց. «Անյարմար է և վտանգաւոր, ասում էին չափաւորները, այս խառն ժամանակներում՝ յարուցանել մի նոր խնդիր և այն էլ այնքան փափուկ, ինչպէս է եկեղեցու կալածքների հարցը»: Մինիստրների մեծամասնութիւնը միացաւ այդ կարծիքին: Բայց ծրագրի գլխաւոր հեղինակը չընտա-հատեց: Նա թողեց մինիստրական կոմիտէն և սկսեց այլ ճանապարհներ բռնել, պալատի «ազգեցիկներին» համոզել... Պատմում են, որ մինիստրական ժողովը՝ ձայների մեծամասնութեամբ վճռեց մերժել կառավարչապետի ծրագիրը, բայց նորին Մեծութիւնը չկամենալով

վշտացնել իշխան Գալիցինին, որի մի այլ խնդիրը բիւ առաջ մերժել էր, ընդունեց փոքրամասնութեան կարծիքը և բարձրագոյն հաստատեց բացարձակ գողութեան առաջարկը...

Ուշագրաւ է մինիստրական կոմիտէի արձանագրութիւնը այս մասին, որ խնդրի մի փոքրիկ պատմութիւնն է ներկայացնում:

«1897 թւին հայ-եկեղեցական ծխական դպրոցները ժողովրդական լուսաւորութեան մինիստրութեանը յանձնելու միջոցին՝ նոյն մինիստրութեան յանձնեցին և դպրոցական կալածքները: Բայց հայ հոգեւորականութիւնը յայտնեց այնուհետև մի շարք դատաստանական պահանջներ, ապացուցանելով — ոչ առանց աջողութեան — որ իշխալ կալածքները պատկանում են, իբրև սեփականութիւն, ոչ թէ դպրոցներին, այլ եկեղեցիներին ու վանքերին:

«Այդ հանգամանքը, այլ և հայ հոգեւորականութեան քաղաքական օրինազանց գործունէութիւնը ի նկատի առնելով, Վովկասի կառավարչապետ իշխան Գալիցին 1898 թւին խնդրի յարուցեց՝ հայ եկեղեցու բոլոր կալածքները և դրամագումարները յարքունիս գրաւելու մասին: Իշխան Գալիցինի այդ առաջարկը դիմադրութեան հանդիպեց ֆինանսների և երկրագործութեան մինիստրների կողմից: Երկու մինիստրները ապացուցանում էին, որ այդպիսի զօրեղ, բռնի միջոց, ինչպիսին է կալածքների յարքունիս գրաւումը, հայ ազգաբնակչութեան մէջ խոր դժգոհութիւն կարող է առաջացնել: Ֆինանսների մինիստրը ցանկալի էր համարում, որ եկեղեցական կալածքների վարչութիւնը յանձնէ առանձին մասնաժողովի, վաճառքների: Վաճառքների մասնաժողովը, ուր մասնական հոգեւորականութիւնը ունի ներկայացուցիչներ, կառավարում է Ղրիմի մասնականների հասարակական սեփականութիւնը: Մասնաժողովը պիտի կազմէր՝ ներքին գործոց մինիստրութեան, տեղական կովկասեան վարչութեան և հայ հոգեւորականութեան ներկայացուցիչներից, իսկ երկրագործութեան մինիստրը առաջարկեց գործադրել հայոց եկեղեցական կալածքների վերաբերմամբ վարչական նոյն եղանակը, որով կառավարում են Բեսարաբիայի մէջ արտասահմանեան վանքերի կալածքները, այսինքն որպէս զի ընդհանուր հսկողութիւնը գումարների և կալածքների վրայ յանձնէր ներքին գործոց մինիստրութեանը:

«Իշխան Գալիցին և ներքին գործոց մինիստր Սիպիագին կարելի համարեցին ընդունել երկրագործութեան մինիստր Երմօլովի առաջարկը: Այդ առաջարկի համեմատ կազմած օրինագիծը բարձրագոյն հրամանով ենթարկեց առանձին յանձնաժողովի քննութեան ստատուս-սեկրետար Ֆրիշի նախագահութեամբ:

«Յանձնաժողովը գտաւ, որ առաջարկած միջոցը, որը ծանր հարւած է տալիս բովանդակ հայ եկեղեցուն, կ'ազդէ ամբողջ հայ ազգաբնակչութեան յարաբերութեան վրայ դէպի Ռուսաստանը՝ թէ պետութեան մէջ և թէ արտասահմանում: Յիշեալ քայլը, յանձնաժողովի կարծիքով ի նկատի ունի գլխաւորապէս կարծել հայ բարձր հոգեւորականութեան և ինտելիգենցիայի օրինազանց գործունէութիւնը, բայց այդ նպատակով — այդպէս էր կարծում յանձնաժողովը —

կարելի է գործադրել ուրիշ միջոցներ, կարելի է ի միջի այլոց սահմանափակել հայ եկեղեցու ինքնավարութիւնը և հաստատել իրական վերահսկողութիւն՝ եկեղեցական արդիւնքների ու ծախքերի վրայ:

«Այդ պատճառաբանութիւնների համաձայն՝ յանձնաժողովը վերոգրեալ ձեռնարկութեան իրականացումը վաղաժամ համարեց: Նոյն եզրակացութեան հետ համաձայնեց և մինիստր Սիպիագին, իսկ իշխան Գալիցին մնաց իր նախկին կարծիքին: Յատուկ յանձնաժողովի արձանագրութիւնը լսելով՝ թագաւոր կայսրը բարեհաճեց յանձնարարել ներքին գործոց մինիստրին, Վովկասի կառավարչապետի հետ բանակցելուց յետոյ, ներկայացնել դիտողութիւններ, թէ ինչ միջոցներ պէտք է ձեռնարկել բաց առնելով վերոյիշեալ միջոցը, հայ հոգեւորականութեան օրինական գործունէութիւնը դադարեցնելու համար:

«Սակայն ներքին գործոց մինիստրը իշխան Գալիցինի հետ բանակցելուց յետոյ ամենահպատակօրէն զեկուցեց, թէ ներկայումս միակ դրական միջոցը վերոյիշեալ նպատակով՝ կարող է լինել հայ եկեղեցու կալւածքների գրաւումը հոգեւոր հաստատութիւնների իրաւասութիւնից: Դրա հետ միասին Սիպիագին, ի դէպս հաւանութեան թագաւոր կայսեր, հայցում էր բարձրագոյն թոյլտուութիւն՝ մուծանել յիշեալ գործը մինիստրների կօմիտէտը:

«Թագաւոր կայսեր բարի հաճութիւնը տեղի ունեցաւ 26 յուլիսի 1901 թ.:՝ մուծանել ներկայ առաջարկը մինիստրների կօմիտէտը: Ներքին գործոց մինիստր ստատուս-սեկրետար Պլէվէ իմիջի այլոց բացատրում է, թէ առաջարկած ձեռնարկութիւնը բոլորովին հասունացած է և ըստ ամենայնի համապատասխան այն միջոցներին, որոնց ձեռներեց է եղել և դեռ լինելու է ներքին գործոց մինիստրութիւնը՝ հայ եկեղեցու չափազանց ինքնավարութիւնը սահմանափակելու համար: Դրա հետ միասին ստատուս-սեկրետար Պլէվէ մատնացոյց է անում, թէ հայ հոգեւորականութեան ստացածքների արքունի վերակացութեան յանձնելը (պահելով հոգեւորականութեան սեփականութեան իրաւունքը) յարմարութիւն է տալիս կանոնաւոր հսկել եկեղեցական արդիւնքների վրայ և առհասարակ զնել հոգեւորականութեան գործունէութիւնը օրինականութեան և կարգի տակ:

«Ընդհանրապէս ստատուս-սեկրետար Պլէվէի կարծիքով, այդ առաջարկը բեղմնաւոր է ու օգտակար և հայ հոգեւորականութեան համար, որը այժմ, իշխան Գալիցինի վկայութեամբ, անփորձ ու վնասակար ձեռք է օգտուում իրեն պատկանող հոգեւորից:

«Առաջարկութեան էութիւնը կայանում է հետեւեալում: Հայ եկեղեցուն և նրա հաստատութիւններին, այսինքն դպրոցներին պատկանեալ բոլոր ստացածքները (թէ եւրօպական Ռուսաստանում և թէ Վովկասում) յանձնուում են երկրագործութեան մինիստրութեան կառավարութեանը, իսկ գումարները՝ ներքին գործոց մինիստրութեան: Վերջինիս այլադաւան քրիստոնեաների դէպարտամէնտում կենտրոնանում է գլխաւոր վերահսկողութիւնը այդ կալւածքների և դրամագրութիւնների արդեանց և ծախուց, ինչպէս և դրանց լիակատար հաշւետուութիւնը»:

Եւ նոյն այն օրերին, երբ «կառավարչական Համալսարանը» իր պաշտօնական էջերում անմահացրեց նոր կարգադրութիւնը, կովկասեան կառավարչապետը՝ հպարտ իր յաղթութեամբ, շտապեց բռնել հարաւի ճանապարհը, հասաւ Թիֆլիս, կարգադրեց համեմատիւ միջոցների գիմել՝ նոր օրէնքը գործադրելու համար, գաղտնի հրահանգներ տուց, պատուիրեց Թիֆլիսի պաշտօնական օրգանի մէջ յօդաւանդել զեւեղել և ցոյց տալ հայոց հասարակութեանը, որ «գրաւելով կալւածքները՝ կառավարութիւնը ուզում է աւելի հարստացնել հայոց եկեղեցին», և ապա խաղաղ ու անվրդով քնած խղճով, մեկնեց ամարանոց՝ վայելելու հանգստութեան քաղցրիկ ժամերը...

Բարդ չէ «կալւածական պատմութիւնը»:

Հայոց եկեղեցին Վովկասի մէջ ունի մեծ կալւածքներ, հող, անտառներ, տներ, ինչպէս և դրամական հարստութիւն, կտակած ժամանակի ընթացքում և վաւերացրւած օրէնքի կողմից: Այդ հարստութիւնը, չնայած այն թաւան ի ն, որին ենթարկեց դարեր շարունակ, դեռ շատ խոշոր է և հասնում է մօտ 100-120 միլիօնի: Դա կրօնասէր հայի տուրքն է, մատուցած եկեղեցուն, քրիստոնէական վարդապետութեամբ յափշտակւած ազգի յարգանքը, նրա աշխատանքի և քրտինքի պտուղը, ներարբերւած իր տաճարներին:

Էլ միածինը և Անդրկովկասը տիրապետելուց յետոյ, ռուսաց կառավարութիւնը 1836 թւի Պօլօժենիայով ձանաչեց հայ լուսաւորչական եկեղեցու սեփականութեան իրաւունքը և նրա վարչական իրաւասութիւնը:

Օրէնքը ասում է.

Յօդ. 117. — Իււրպանչիւր շարժական կամ անշարժ ստացւած՝ նախանշանակեալ ի պահպանութիւն որեւիցէ լուսաւորչական հայոց մենաստանի կամ եկեղեցւոյ կամ նոցին վերաբերեալ աստուածահաճոյ շինւածոց՝ համարի ընդհանուր ստացւած ողջոյն լուսաւորչական եկեղեցւոյ հայոց:

Յօդ. 121. — Կառավարութիւն ստացւածոց լուսաւորչական եկեղեցւոյ հայոց կախի անընդմիջապէս զերիցփոխանաց կամ զեկեղեցւոյանաց յիւրաքանչիւր եկեղեցիս կըլերոյ:

Յօդ. 99. — Վանահարք պահպանեն յամբողջութեան զշարժական և զանշարժ կայս մենաստանին, և պատասխանատու լինին զկանոնաւոր կիրառութեան եկամտից:

Այդ օրէնքի համաձայն էլ կառավարումէին կալւածքները մինչև մեր օրերը, երբ փչեցին քաղաքական նոր հովեր և հայոց եկեղեցին ընկաւ միապետութեան կասկածոտ հալածանքի տակ, որի վերջաբանն եղաւ յունիսի 12-ի բարձրագոյն կարգադրութիւնը:

Իբրեւ մեկնաբանութիւն այդ կարգադրութեան՝ հրատարակել է հետեւեալ պաշտօնական նենգամիտ հաղորդագրութիւնը.

«Հայ լուսաւորչական եկեղեցու կալւածքները նոյն եկեղեցու հոգեւորականութեան ձեռքով կառավարելու վերաբերմամբ՝ կովկասեան գլխաւոր վարչութեան հաւաքած տեղեկութիւններէից երևաց, որ այդ կառավարութիւնը չէ համապատասխանում ոչ պետական իշխանութեան նպատակներին և ոչ իրեն՝ եկեղեցու օգուտներին: Դրա հետ միասին՝ 1897 թւի յունիսի 2-ի և 1898 թւի մարտի 26-ի Բարձրագոյն հրամաններէից յետոյ՝ հայ լուսաւորչական եկեղեցական ուսումնարանները և նրանց պատկանած գոյքերը ժողովրդական լուսաւորչական մինիստրութեան յանձնելու մասին՝ հայ լուսաւորչական հոգեւոր իշխանութեան կողմից ծագեց ընդդիմութիւն այդ կարգադրութեան իրագործման դէմ, որ արտայայտուեց մի քանի կալւածքներ իր ձեռքում պահելու մէջ:

որոնցով պետք է ապահովել նաև ուսումնարանների գոյութիւնը: Այդ տեսակ երևոյթները վերացնելու համար՝ անհրաժեշտ նկատու է հայ լուսաւորչական եկեղեցու կալածքների վարչութիւնը կենտրոնացնել կառավարչական հիմնարկութիւնների տեսչութեան տակ: Այդ խնդրի մասին մինիստրների կողմէի կազմած պ օ լ օ ժ ե ն ի է ն ներկայ տարւայ յունիսի 12-ին արժանացաւ Բարձրագոյն հաստատութեան: Ներկայ օրէնքը, պահպանելով հայ լուսաւորչական եկեղեցու սեփականութեան իրաւունքը յիշած կալածքների վրայ, չէ զրկում նրան՝ ստացելիք եկամուտների այն մասից, որը, ուսումնարանի պահպանութեան ծախքերը դուրս գալուց յետոյ, կը մնայ ազատ: Հայ լուսաւորչական եկեղեցու կարիքները լցուցանելուց յետոյ՝ ինկատի կայ եկամուտների հարկերին 5 յետաձգումով հիմք դնել այդ եկեղեցու օժանդակ դրամագլխին: Այդ տեսակ դրամագլխի կազմութիւնը կարող է ապահովել հայ եկեղեցու բարեկեցութեան կանոնաւոր զարգացումը, մինչդեռ այժմ այդ դաւանութեան բազմաթիւ հաստատութիւնների մէջ, որոնք ընդարձակ կալածքներ ունեն, շատ կան և այնպիսի ծովեր, որոնց միջոցները չափազանց սուղ են և գիւղական հոգևորականութիւնը սակաւ ապահոված: Յիշած դրամագլուխը սահմանելով՝ նպատակ կայ օգնութիւն ցոյց տալ կարիք ունեցողներին: Սրա հետ միաժամանակ պատշաճաւոր միջոցներ են ձեռք առնում եկեղեցական կալածքները կառավարելու նոր կարգ հաստատելու համար:

«Պաշտօնական հաղորդագրութեան» այդ մութ ակնարկները աւելի պարզում են կիսապաշտօնական ներշնչւած յօդւածների մէջ, որոնք լոյս տեսան այստեղ, Պետերբուրգ, «Պետերբուրգսկի Վեգոմոստի» և այլ լրագիրներում, ինչպէս նաև Թիֆլիս, «Կովկազ»-ի մէջ, որոնց ձգտումն է համոզել հայոց համայնքներին, թէ կալածքները գրաւելով՝ կառավարութիւնը նպատակ ունի. ա) Աւելի մեծացնել լուսաւորչական եկեղեցու եկամուտները և հետեւաբար նպաստել նրա բարգաւաճման, բ) Ապահովել աղքատ հոգևորականներին, որոնց վիճակը այժմ շատ ողբալի է, և գ) Ազատել եկեղեցին և կալածքները ապօրինի յափշտակութիւններից:

Ի հարկէ, ոչ ոք չէ հաւատում: Սրանից կէս դար առաջ, երբ դեռ անքա՛ն նկատելի չէր կառավարչական ծրագիրների ներքին միտքը, հայերի մէջ ճշմարիտ է, գտնուում էին միամիտներ՝ հաւատացող «բարեխնամ» կառավարութեան՝ «բարեմիտ» ցանկութիւններին, սակայն այդ երանելի ժամանակները վաղուց են անդառնալի կերպով պատմութեան գիրքը անցել:

Փաստերը պերճախօս են: Ուղղափառ կառավարութիւնը, տարիներ է արդէն, ամենամոռորմ միջոցներով ականներ է փորում հայկական եկեղեցու հիմքերի տակ. յաճախ խնդիր յարուցեց երկու եկեղեցիների միացման մասին, պետական գումարներով և խաբուսիկ խոստումներով շատ հայերի ստիպեց կրօնափոխ լինել, յայտարարեց հայոց հոգևորականութիւնը իբրև «հայկական շարժման գլուխ ու միանգամայն վտանգաւոր» — և երբ այս նոր ու չարամիտ քայլն անելու փափուկ որոշման վրայ է, ձգնում է հաւատացնել, զաւեշտական լըջութեամբ, որ ինքը նպատակ ունի աւելի ուժեղացնել այն եկեղեցին, որ «թշնամի է ուղղափառութեան» և այն հոգևորականութիւնը, որ «աղբիւր է հակառուսական պայքարի»:

Հաւատացող, այո՛, չկայ: Այլ ընդհակառակը, ամբողջ հայութիւնը թէ Կովկաս և թէ սահմաններից դուրս՝ միաբերան և միակամ նկատում է վերջին կարգադրութիւնը իբրև մի դաւադիր միջոց, որ նպատակ ունի դրամական տնտեսական ուժով՝ իր ձեռքն առնել, սարկացնել հոգևորականութիւնը, ապա առաջ անցնել և հարածել եկեղեցու

անկախ գոյութեան: Եւ դեռ ուրիշ շատ երկիւղներ, ստեղծւած զգայուն ժողովրդի մտածողութեան մէջ:

Հայ ժողովուրդը, որ այդ հարստութեան միակ աղբիւրն է, դեմ չէ եղել և չէ երբէք՝ հոգևոր վարչութեան վրայ հսկողութիւն նշանակելու մտքին: Հայր՝ հոգևորականութեան գերի չէ եղած: Բայց բարեխիղճ, անխաղախ հսկողութիւնը կարող է գալ միմիայն ժողովրդից, որ գերագոյն տէրն է նորինսկ եկեղեցու, և ոչ թէ միապետական կառավարութիւնից, որի ճանկերը երկաթեայ են, որկորը՝ անյատակ, թշնամութիւնը՝ անսահման և բիւր անգամ աւելի վտանգաւոր ժողովրդի համար, քան ուէ եկեղեցի ու նրա սպասաւորութիւնը:

Եւ բռնւած այդ վտանգի երկիւղով՝ ցնցւած նորագոյն անարդարութեան հանդէպ, ժողովուրդը բողբոքի և ցասման ճիչ է արձակում:

Այո՛, «հպատակութեան աշխարհի մէջ» տեղի են ունենում անսպասելի և խրախուսիչ իրողութիւններ: Ընդհանուր արթնացումն է: Կովկասեան շատ քաղաքների հայկական շրջանները ժողովներ են կազմում, ուր միակամ որոշումներ են ընդունում հրաւիրելու հայոց կաթողիկոսին, որ եկեղեցու ներկայացուցիչն է, ընտրւած ժողովրդից, — բողբոքել կառավարութեան դէմ, չլանձնել կալածքները, և եթէ հարկ լինի, հրաժարական տալ: Առաջնորդներին ու սինօդականներին գիմումներ են լինում նոյն ոգով:

Տատանւողները սպառնալիքներ են ստանում: Շատ գիւղերում ժողովներ են լինում, ուր գեղընկները երգում են մինչև վերջ գիմադրել: Կատարում են թըշնամական ցոյցեր, որոնց մասին «Դրօշակ»-ի խմբագրութիւնը անշուշտ կըստանայ ի մօտոյ զրւած նկարագրութիւններ:

Հնչում են զայրացման ձայներ նոյնիսկ այն երկրից, որ վաղուց արդէն բողբոքների գերեզմանոցն է: Եւ իբրև այդ բողբոքի արտայայտութիւն, Կ. Պօլսի հայոց պատրիարքը գիմել է էջմիածնի կաթողիկոսին, դիպլոմատիական մեղմութեան բոլոր ձևերը կրող պաշտօնական հետեւալ գրութեամբ.

«Վեհափառ Ս. Հայրապետ.

«Պօլսոյ օտար ևւ հայ թիւրքերու մէջ՝ Պետերբուրգէն արտասահման ուղղած հեռագիր մը տեսնուելու, որ կը ծանուցանէ թէ լեւոնայի Ռուսաստանի հայոց եկեղեցիապետական կալուածներն ու գոյքերը կայսերական հրամանադրով մը՝ պիտի անցնին տնտեսական վարչութեան ձեռք այն պիտուոր պատճառաւ, որ իբր թէ հայ կղերին ձեռքը կառավարութեան ինչքին ու գոյքերը մատակարարելու եղանակը ոչ պետական տնտեսկէսով կրցած էր հաճելի ըլլալ ու ոչ ալ հայ եկեղեցիին շահերուն համապատասխանել:

«Այսպիսի տնօրէնութիւն մը, որու ստուգութեան չենք ուզեր հաւատ ընծայել, ծանրակշիռ հանգամանք մը ունի կրկին տեսակէտով. — նախ՝ վասն ի միջամտութիւն մը կ'ենթադրէ Ազգին Հոգևոր վարչութեան յատուկ գործերուն, ևւ հայ եկեղեցւոյ պատկանեալ կալուածոց ու գոյքի սեփականութեան ու մատակարարութեան իրաւունքն կ'առնուի անոր ձեռքէն, ու երկրորդ՝ վասն ի առանց փաստի ծանր ամբաստանութիւն մը կ'ուղղուի հայ եկեղեցւոյ ոչ պաշտօնէից դէմ, որոնց վրայ հսկելու ևւ ի հարկին, կրն ևւ է զեղծում գործուած լինի, կարեւորն ի գործ դնելու իրաւունքն կը պատկանի ամենայն հայոց ընդհանրական Հայրապետին, ու հետեւաբար բանաւոր չլինիր ենթադրել թէ քաղաքական իշխանութիւնը ուղղած լինի այս իրաւունքներն ազգին ձեռքէն առնել ևւ իւրայնի՝ տալուամ պատճառաւորութեամբ մը:

«Նկատելով ուրեմն որ այդ կարգի տնօրէնութիւն մը կրնայ շատ փութակար հետեւանքներ ունենալ հայ եկեղեցւոյ համար ու մարտնչել մէջ մեծ գայթակղութիւն յառաջ բերել: Նկատելով որ մեր եկեղեցին մի եւ անբաժանելի լինելով, ազգն համօրէն, որ ի սիրիւս աշխարհի, մասնակից կը գտնուի անոր ընդհանուր շահերուն եւ իրաւանց, եւ համարաշարքար զայս պահանջելու պարտաւոր եմք եւ մենք, կ'համարձակինք խնդրել մատուցանել սրբազնաւորը Հայրապետիդ խորին ուշադրութեան եւ ծրարելով ի սովն նոյն հեռագրին տպէալ օրինակը, կ'իւնդրենք խոնարհաբար որ շնոր՝ ընէք երկառող մը իմացնել մեզ թէ որ աստիճան ստուգութիւն ունի հեռագրական այդ լուրն ու անդորրիդ զմեզ եւ համայն թիւրքաբնակ ժողովուրդն, որ մեծ անձկութեամբ եւ անհամբերութեամբ ակն ունի վերի Տեառք սրտազնդիչ տեղեկութեանց:

Մատուցեալ ի համայն օծեալ Առջ Երջոյ Զօդաւորի Մնամ խորին ակնածանօք խոնարհ օրդի՝

Մաղաքիա արքեպ. Օրմանէ առ Պատրիարք Կ. Պօլսոյ

Կ. Պօլսոյ, 16 յուլիս, 1903,
N. 13976

Ժողովրդական պահանջների ազդեցութեան տակ՝ Էջմիածինը յայտնել է իր գեթգոհութիւնը կառավարութեան կարգադրութեան դէմ: Մինօգը որոշել է, հակառակ պրօկուրօր Վանչելի բողոքին, չը յանձնել կարածքները: Վեհափառ կաթողիկոսը այդ իմաստով կոնդակ է տել սինօգին: Բացի դրանից՝ հայ եկեղեցու ներկայացուցիչը, գտնելով միեւնոսների որոշումը անհիմն՝ դիմեց Պետերբուրգ: Ահա այն հեռագիրների պատճենները, որոնք փոխանակեցին վերջին շաբաթները Պետերբուրգի և Էջմիածնի միջև:

5 օգոստոս 1903, Պետերբուրգ

Էջմիածին

Ամենայն Հայոց Պատրիարք-կաթողիկոս Մկրտչին

«Տեղեկանալով, որ եկեղեցական կալածքների վերաբերմամբ յունիսի 12-ի բարձրագոյն հրամանի գործադրութիւնը հանդիպում է յապաղումների, խնդրում եմ Ձերդ Սրբութեան հոգալ անյապաղ կարգադրութիւն անել այս մասին: Ամէն մի յետաճգում, իբրեւ անհնազանդութիւն թաղաւորական կամքին, առաջ կը բերի ծանր հետեւանքներ»:

Ներքին Գործերի մինիստր

ՊԼԷՆԷ

6 օգոստոս 1903, Էջմիածին

Պետերբուրգ

Ներքին Գործերի Պարոն Մինիստրին

«Ի նկատի առնելով, որ յունիսի 12-ի բարձրագոյն հաստատումը մինիստրական կօմիտէի որոշումը տեղի է ունեցել առանց նախապէս իմ միջոցով տեղեկանալու:— Ինչպէս այդ անուամբ էր համանման դէպքերում իմ նախորդների ժամանակ — այն հանգամանքների մասին, որոնք կարող էին ուշադրութեան չառնել կառավարութեան կողմից, ես օգոստոսի 4-ին, № 958 տւած իմ կոնկակով, հրահանգեցի Սինօգին ժամանակաւորապէս յետաճգել բարձրագոյն հրամանի հրատարակումը եւ ինձ թողնել — իբրեւ եկեղեցու բարձրագոյն պետին — ամենահպատակօրէն դիմել խնդրքով Նորին Մեծութեան թագաւոր-կայսեր, առաջ բերելով այն նկատումներն ու հանգամանքները, որոնք կապւած են այս հարցի հետ, եւ ներկայացնել ինձ ամբողջ դործի պատճէնը: Սինօգը, ստանալով իմ կօնդակը, կարգադրեց կազմել մի զեկուցում այս գործի մասին, բայց դատախազ Կանչելին թոյլ չտուեց այդ անել, որով կարծես, հակառակ օրէնքի, ուղղում էր անձամբ նախալճուել Սինօգի որոշման ձեւը եւ բովանդակութիւնը: Այդ մասին տեղեկութեանը կազմեց

արձանագրութիւն, որը եւ ներկայացրած է ինձ բոլոր անդամների ստորագրութեամբ:

«Ի նկատի առնելով խնդրի շատ լուրջ նշանակութիւնը ամբողջ հայ եկեղեցու համար եւ վերին աստիճանի անցակալի հետեւանքները, որ նա կարող է ունենալ — դա պարզ երեւում է իմիջի այլոց այն իրողութիւնից, որ Ալէքսանդրօպօլում յունիսի 29-ին եւ այստեղ, Էջմիածնում, օգոստոսի 3-ին ժողովրդի բոլոր խաւերից կազմւած անդին ամբողջ՝ անձնապէս, այլեւ շատ համայնքներից գրաւոր խնդրագրերով՝ ամէն օր գրում են ինձ խնդրելով Նորին Մեծութեան ոտաց արկանել ամբողջ ժողովրդի աղերսանքները այս մասին, — խոնարհաբար խնդրում եմ Ձերդ բարձր գերազանցութեան, ժամանակաւորապէս յետաճգել կառավարութեան վերայից կարգադրութեան գործադրութիւնը եւ կարելիութիւն տալ ինձ ամենահպատակօրէն զեկուցանել Նորին Մեծութեան իմ բացատրութիւնները եւ այն հանգամանքները, որոնք ինձ թւում են անհրաժեշտ խնդրի կանոնաւոր լուծման համար: Այդ տեսակ զիմում իմ կողմից Նորին Մեծութեան՝ ես համարում եմ մի քայլ, որ թելադրում է եկեղեցու պետի պարտականութեան զգացումը դէպի նրա գերագոյն հովանաւոր թագաւոր-կայսրը եւ զէպի իր հօտը»:

ՄԿՐՏԻՉ Կաթողիկոս Ամենայն Հայոց

10 օգոստոս 1903, Էջմիածին

Պետերբուրգ

Նորին Կայսերական Մեծութեան

Թագաւոր Կայսրին

Ձերդ Մեծութիւն, Ամենաողորմած Թագաւոր

Ներկայ տարւոյ օգոստոսի 6-ին ես զիմեցի հեռագրով Նորին բարձր գերազանցութեան ներքին գործերի պ. մինիստր հաստատականութեամբ Պլէվէին, խնդրելով յետաճգել ներկայ տարւոյ յունիսի 12-ին բարձրագոյն հաստատումը մինիստրական կօմիտէի որոշումը՝ հայ եկեղեցական կալածքները եւ դրամագլուխները կառավարական հիմնարկութիւնների վարչութեան յանձնելու մասին եւ դրանով կարելիութիւն տալ ինձ Ձերդ Կայսերական Մեծութեան ոտաց արկանել ինձ յանձնւած հոգեւոր հօտի, ամբողջ հայ ժողովրդի, աղերսանքները եւ իմ ամենահպատակ բարեխօսութիւնը յիշեալ կարգադրութեան առիթով: Չբտանալով պատասխան պ. մինիստրից՝ համարձակում եմ անմիջական կերպով զիմել Ձերդ Մեծութեան ամենահպատակ խնդրքով՝ ամենաողորմածաբար թոյլատրել ինձ անձամբ Ձերդ Մեծութեան ոտաց արկանել ամբողջ հայ հոգեւոր հօտի աղերսը եւ ներկայացնել իմ կարեւոր բացատրութիւններն ու նկատումները՝ մինիստրական կօմիտէի որոշումը կանգնեցնելու մասին, որոնց թելադրում է իմ պարտականութեան զգացումը Ձերդ՝ Մեծութեան եւ ինձ յանձնած հօտի առջեւ»:

Ձերդ Կայսերական Մեծութեան ամենահպատակ աղօթաբար Գերազոյն Պատրիարք-կաթողիկոս Ամենայն Հայոց

14 օգոստոսի 1903, Պետերբուրգ

Էջմիածին

Նորին Սրբութեան Ամենայն Հայոց Կաթողիկոսին

«Ձերդ Սրբութեան հեռագիրը, ներկայ ամսւոյ 7-ից, ամենահպատակօրէն զեկուցանելուց յետոյ, Թագաւոր-կայսրը բարեհաճեց բարձրագոյն հրամայել՝ մերթել Ձեր խնդրքը՝ մինիստրական կօմիտէի բարձրագոյն հաստատում յունիսի 12-ի որոշման գործադրութիւնը յետաճգելու մասին: Միաժամանակ Նորին Մեծութիւնը հաճեց ինձ յանձնել օգոստոսի 10-ի Ձեր հեռագիրը: Սրա հետ միասին հաղորդում եմ աւելի մանրամասն ցուցումներ՝ շարունակելիք զիմադրութեան հնարաւոր հետեւանքների մա-

սին, ինչպէս նաեւ անձամբ Նորին Մեծութեան ներկայա-
նալու Ձեր պիտումի նկատմամբ:

Ներքին գործերի մինիստր
ՊԼԷՎԷ

Ահա և այդ «մանրամասն ցուցմունքներ» պարունա-
կող մինիստրական հաղորդագրութիւնը, որի մասին
սիշում է ՊԼԷՎԷի վերջին հեռագիրը:

ՆԵՐՔԻՆ ԳՈՐԾԵՐԻ

Ն.Ա.ԽԱՐԱՐՈՒԹԻՒՆ

№ 4289

13 Օգոստոսի 1903 թ.

Պետերբուրգ

Նորին Սրբութեան

Ամենայն հայոց Կաթողիկոսին
Էջմիածին

Ձերդ Սրբութիւն,
Ողորմած Հովապետ.

Ի լրումն օգոստոսի 12-ի հեռագրի՝ պատիւ ունեմ հա-
ղորդել, որ Թապաւոր Կայսրը, օգոստոսի 7-ին Ձեր հեռա-
գրի ամենապատասխարէն պեղծեցանելու առթիւ, բարեհա-
ձեց հրաւիրել Ձեր ուշադրութիւնը Ձերդ Սրբութեան ան-
կանոն ընթացքի վրայ՝ ներկայ տարւոյ յունիսի 12-ի մի-
նիստրական կոմիտէի վճիռը պործադրելու վերաբերմամբ:
Օգոստոսի 4-ի Ձեր կոնզակը մի առաջարկութիւն է Սի-
նոդին՝ չեղել Բարձրագոյն կամքի անդադար իրագործումից,
այսինքն՝ կատարել հաւատարիմ հպատակութեան ամենա-
ժանր պարտանշանցութիւն:

Նորին Մեծութիւնը բարեհաճեց իր կայսերական ու-
շադրութիւնը դարձնել նաեւ այն բանի վրայ, որ ներկայ
դէպքը վերջին ժամանակներս առաջին շեղումն է հայ
եկեղեցու գերագոյն ներկայացուցիչների կողմից առաջույ
ամենահնազանդ ընթացքից, և այդ պատճառով հրաժարեց
ինձ՝ եթէ հայ հոգեւորականութիւնը չարունակի իր ան-
հնազանդութիւնը պիտակսն իշխանութեան նկատմամբ,
ձեռնարկեմ այն հարցի քննութեան՝ թէ որքան է չարու-
նակում ռուս միապետների հայ եկեղեցուն պարգեւած
վարչական կազմը Ռուսաստանում՝ համապատասխանել
պետական չահերին:

Պարտաւոր եմ համարում ինձ սուելցնել որան, որ Նո-
րին Մեծութիւնը հաճեց ինձ յանձնել օգոստոսի 10-ի Ձեր
հեռագիրը՝ քանկելով անժամանակ այս պործի առթիւ Ձեր
անձամբ ներկայանալը:

Եթէ սակայն յետագայում Ձերդ Սրբութիւնը անհրա-
ժեշտ համարի դալ Պետերբուրգ Ձեր բռնած ընթացքի մա-
սին բացատրութիւններ տալու, հապա դրա համար պէտքէ
ինչորեւ կովկասեան քաղաքացիական մասի կառավարչա-
պետի միջոցով:

Յանձնելով ինձ Ձեր աղօթքներին, խոնարհաբար
խնդրում եմ ընդունել իմ խորին յարգանաց եւ
հաւատարմութեան հաւաստիքը, որով պատիւ
ունեմ լինել:

Ձերդ Սրբութեան խոնարհ ծառայ
Վ. ՊԼԷՎԷ

Հարժուով կանգ չէ առնում պաշտօնական անձանց ուղ-
ղած դիմումներով, այլ խտանում, աւելի գունաւորում և
հանդէս է գալիս իբրեւ հաւաքական կոչեր՝ ուղղած հայու-
թեան, նրա զանազան մասերի կողմից: Հանրային ցասման
նշաններից մէկն է այդ: Ահա թէ որպիսի զայրացկոտ
խօսքերով է դիմում Կովկասի հայ ժողովրդին այդ
կոչերից մէկը:

«Ձը հառաւ արդեօք անվեհեր բողքի ժամը, երբ ամե-
նապարտ զոհն անդամ, իբրեւ գերագոյն արտայայտութիւն
իր անկողնապետի իրաւունքի՝ ցատուկով ըմբոստանում է իր
գահիճների դէմ:

«Ներքէ է, որքան օրօրեցինք խոհեմութեան մեղեդի-
ներով: Իսկ ի՞նչ ու աղիւն «անխոհեմութիւնը» միշտ աւելի
զեղեցիկ ու օգտակար է եղել:

«Բողքը հայութեան բոլոր անկիւններում, ուր մտածող
մի գլուխ կայ և ըմբոստացող մի հոգի:

«Թող իբրեւ բողքի արտայայտութիւն՝ ամենայն հայոց

Հայրապետը հրաժարական տայ և խզէ ամեն յարաբերու-
թիւն հայ եկեղեցու և ռուս կառավարութեան միջև:

«Թող հայոց եկեղեցիները փակեն իրենց դռները իբրեւ
սգի նշան:

«Թող ժողովուրդը կազմակերպւած ցոյցերով ու հանրա-
գրերով հասցնէ իր արդար բողքի ձայնը կենսաբանական
կառավարութեան:

«Թող, վերջապէս, երիտասարդութեան զգայուն սարբը,
իբրեւ արտայայտիչ ժողովրդի ցասման, կազմակերպւի ան-
հաշտ կուրի համար: Կոխ ամեն տեղ և բոլոր միջոց-
ներով բռնապետութեան վայրագ ներկայացուցիչների
դէմ, որոնք մի-մի պատուհաս են դարձել մեր գծաւոր
երկրի համար:

«Ցոյց տանք ուխտագրուած բռնապետութեան, որ նա չէ
կարող տեսողաբար ու անպատիժ կերպով խաղալ մի ազգի
ճակատագրի հետ:

«Ցոյց տանք աշխարհին, որ երկշատ, անդադ ասրուկներ
չենք, որ մենք ևս ընդունակ ենք դիմագրելու, երբ տոնա-
հարում են մեր անկապտելի իրաւունքները»:

Նոր խօսքեր են դրանք, անորժաւուր, բայց տարօրինակ
այն վայրերում, ուր միահեծան կառավարութիւնը անցած
օրերին այլ բան չէր լսում, բայց եթէ խոնարհութեան
մեղեդիներ, անձնէր հպատակութեան մաղթանքներ
եկեղեցու կամարների տակ:

Խեղճ հայ ժողովուրդ:

Դարեր շարունակ աղօթեցիր և աղերսանքն ու
աղօթքը դարձրիր քո կուռքը, քո Աստածը, քո միակ
քաղաքական իմաստութիւնը: Ստրկօրէն գլուխ ծռեցիր
կրակապաշտ Պարսկաստանի առաջ: Արաբական բռնա-
պետները ողջաննաներով մտան քո աւերած հայրե-
նիքը: Սեղանկը ձեռքիդ, սրի տեղ՝ բուրվառ տեսաւ: Հըր-
թունքներիցդ փառաբանութիւն քաղեցին Իրանի տէրերն
ու Կ. Պոլսի արիւնդուշտ հրամայողները: Խաչ ու խաչ-
վառով դիմաւորեցիր Հիւսիսի միապետութեան: Աղեր-
սագրերով և արտասուներով ներկայացար քաղաքական
աշխարհին և խոհեմութիւնն ու լուսութիւնը քո միակ
քաղաքականութիւնը դարձրիր Սուգի օրերին, երբ հո-
սում էր հայ արիւնը և երբ ցեխի մէջ էին գցում քո
անունն ու պատիւը:

— Ի՞նչ շահեցիր:

— Անարգանք և զոհանք...

Դարևոր աղերսանքի սև, անարգ օրեր:

Անցէք, գնացէք:

Ահա լսում են բողքի հրապուրիչ ձայներ. ծնկաչոք
ժողովուրդը՝ ոտքի կանգնած, մէջքը շտկած՝ բռնութեան
աչքերին է նայում:

Լաւագոյն օրերի լուսաստղն է այս...

Թ Ե Ր Թ Օ Ն

Ե Ր Ի Տ Ա Ս Ա Ր Դ Ա Ի Ն Ո Ւ Ո Ր Ը

(Թարգմանութիւն ԼԱՄՆԷ-ԷՆ)

Ո՛ւր կերթաս, երիտասարդ զինուոր:
Կուռելու կերթամ ես, Հայրենիքի սուրբ սեղանին
համար:

Թող օրհնեալ ըլլան բոլ զէնքերդ, երիտասարդ զինուոր:

Ո՛ւր կերթաս, երիտասարդ զինուոր:

Կուռելու կերթամ, արդարութեան, ժողովուրդներու
սուրբ դատին և մարդկային ազգի իրաւունքներուն համար:
Թող օրհնեալ ըլլան բոլ զէնքերդ, երիտասարդ զինուոր:

Ո՛ւր կերթաս, երիտասարդ զինուոր:
 Կռուելու կերթամ՝ փրկազատելու համար հարստա-
 հարուած եղբայրներս, խորտակելու համար անոնց շղթա-
 ները և աշխարհի կապանքները:

Թո՛ղ օրհնեալ ըլլան բոլ զէնքերդ, երիտասարդ զինուոր:
 Ո՛ւր կերթաս, երիտասարդ զինուոր:

Կռուելու կերթամ անիրաւներուն դէմ, անոնց ինպաստ,
 որոնք կը կործանուին և կ'ոտնակոխուին, կռուելու կեր-
 թամ տէրերուն դէմ՝ գերիններուն համար, բռնապետ-
 ներուն դէմ՝ ազատութեան համար...

Թո՛ղ օրհնեալ ըլլան բոլ զէնքերդ, երիտասարդ զինուոր:
 Ո՛ւր կերթաս, երիտասարդ զինուոր:

Կռուելու կերթամ, որպէս զի աշխարհքը մէկ քանի-
 ներու որսը չ'ըլլայ այլևս, կերթամ բարձրացնելու համար
 խոնարհուած գլուխները և ամրապնդելու այն սրունքները,
 որոնք կը կրին...

Թո՛ղ օրհնեալ ըլլան բոլ զէնքերդ, երիտասարդ զինուոր:
 Ո՛ւր կերթաս, երիտասարդ զինուոր:

Մարտնչելու կերթամ, որպէս զի հայրերը չ'անիծեն
 այն օրը, երբ իրենց ըստ թէ քեզի զաւակ մը ծնաւ,
 ոչ ալ մայրերը անիծեն այն օրը, երբ առաջին անգամ
 իրենց գրկին վրայ իրենց զաւակները սեղմեն:

Թո՛ղ օրհնեալ ըլլան բոլ զէնքերդ, երիտասարդ զինուոր:
 Ո՛ւր կերթաս, երիտասարդ զինուոր:

Կռուելու կերթամ, որպէս զի այլևս եղբայրը չ'տխրի
 տեսնելով, որ իր քոյրը կը խամրի խոտի մը պէս, զոր
 հողը չ'ուզեր սնուցանել, որպէս զի քոյրը այլևս լալով
 չի նայի իր եղբորը, որ կը մեկնի այլևս չի վերադառ-
 նալու համար:

Թո՛ղ օրհնեալ ըլլան բոլ զէնքերդ, երիտասարդ զինուոր:
 Ո՛ւր կերթաս, երիտասարդ զինուոր:

Կռուելու կերթամ, որպէս զի ամէն մարդ իր աշխա-
 տութեան պտուղը խաղաղութեամբ ուտէ. կռուելու կեր-
 թամ չորցնելու համար արցունքները այն պզտիկներուն,
 որոնք հաց կը խնդրեն և որոնց կը պատասխանուի, «այլևս
 հաց չի մնաց, եղած չեղածը առին մեզմէ»:

Թո՛ղ օրհնեալ ըլլան բոլ զէնքերդ, երիտասարդ զինուոր:
 Ո՛ւր կերթաս, երիտասարդ զինուոր:

Կռուելու կերթամ աղքատին համար, որպէս զի յա-
 ւէտ չի կողոպտուի հասարակաց ժառանգութեան մէջ իր
 բաժինէն:

Թո՛ղ օրհնեալ ըլլան բոլ զէնքերդ, երիտասարդ զինուոր:
 Ո՛ւր կերթաս, երիտասարդ զինուոր:

Կռուելու կերթամ աղքատ տնակէն անօթութիւնը
 վանելու համար, ընտանիքներու մէջ վերահաստատելու
 համար առատութիւնը, ապահովութիւնը և ուրախու-
 թիւնը:

Թո՛ղ օրհնեալ ըլլան բոլ զէնքերդ, երիտասարդ զինուոր:
 Ո՛ւր կերթաս, երիտասարդ զինուոր:

Կռուելու կերթամ տալու համար անոնց, որոնք հարբս-
 տահարիչներէն մօտ զնդաններու խորը նետուեցան,
 ազատ օդը, որ կը պակսի իրենց կուրծքերուն, և լոյսը,
 զոր իրենց աչուրները կը փնտռեն:

Թո՛ղ օրհնեալ ըլլան բոլ զէնքերդ, երիտասարդ զինուոր:
 Ո՛ւր կերթաս, երիտասարդ զինուոր:

Կռուելու կերթամ կործանելու համար պատէշները,
 որոնք ժողովուրդները մէկ մէկէ կը բաժնեն և զանոնք
 կ'արգիլեն իրար համբուրելու, որպէս մէկ հօր զաւակներ
 միևնոյն սիրով՝ միատեղ ապրելու սահմանուած:

Թո՛ղ օրհնեալ ըլլան բոլ զէնքերդ, երիտասարդ զինուոր:
 Ո՛ւր կերթաս, երիտասարդ զինուոր:

Կռուելու կերթամ ազատագրելու համար մարդուն
 բռնաւորութենէն մտածուած, խօսքը և խղճմտանքը:

Թո՛ղ օրհնեալ ըլլան բոլ զէնքերդ, երիտասարդ զինուոր:
 Ո՛ւր կերթաս, երիտասարդ զինուոր:

Կռուելու կերթամ վերուստ իջած յաւիտենական
 օրհնքներուն համար, արդարութեան համար, որ իրա-
 ւունքները կը պաշտպանէ, գթածութեան համար, որ կը
 մեղմացնէ անխոսափելի չարիքները:

Թո՛ղ օրհնեալ ըլլան բոլ զէնքերդ, երիտասարդ զինուոր:
 Ո՛ւր կերթաս, երիտասարդ զինուոր:

Կռուելու կերթամ, որպէս զի ամէն մարդ հոգու մէջ
 Աստուած մը ունենայ և Հայրենիք մը երկրի վրայ:

Թո՛ղ օրհնեալ ըլլան բոլ զէնքերդ, երիտասարդ զինուոր:
 Կռուելու կերթամ, որպէս զի ամէն մարդ հոգու մէջ

Ն Ի Ի Ր Ա Տ Ի Ո Ի Թ Ի Ի Ն

ԱՐԵՒԵԼԵԱՆ ԲԻՒՐՈՆ ստացած է՝

1903 թ. — «Աւետիսի» եօթ խմբերից 466. 50 հոուրի, Մոզաս-
 տանի կոմիտէից 500 հոուրի, Արշալոյս խմբ. 20, Նոր ընտիր
 խմբ. 10, Կարմիր աղբիւր խմբ. 15, Դերիկ խմբ. 10, Անիկ
 խմբ. 5, Փ. Նալբանդեանի խմբ. 9, Բարդուղիմոս խմբ. 12, Տա-
 րնագի Ագնի խմբ. 10, Փաշալը խմբ. 10, «Ծաղկա» կոմիտէից
 384. 42, Մարտը խմբ. 10, Կարմիր վանք խմբ. 6, Բաֆֆի խմբ.
 10, Յիզան Պայծառ խմբ. 10 հոուրի: Ընդամենը 1487 ո. 92 կ.:
 Ժաքոն Ենթակոմիտէն՝ չին հաշիւից մնացած 0. 42 հոուրի,
 Ամարանոցի Զաւէն խմբ. 19. 90 հոուրի, Անդրանիկ խմբ.
 11. 50, Կարմիր աղբիւր խմբ. 18. 8, Արծիւ խմբ. 46, Ողական
 ամրոց խմբ. 19. 87, Աշոթ Երկաթ խմբ. 13. 86, Շամիլ խմբ. 8. 20,
 Ազատասէր խմբ. 17. 66, Հեռատես խմբ. 13, Մուշկ խմբ. 10,
 Կայծակ խմբ. 13, Սօսի խմբ. 5. 60, Հովիւ խմբ. 13, Սուր-
 հանդակ խմբ. 22, Երեկոյններից 65. 33, Ներկայացումներից 168,
 Հանգանակութիւն Ուսուրի ծնողներ 3 ո.: Ընդամենը 467 ո., 42 կ.:

ԳԱՅԻՐԵԻ ԿՈՄԻՏԷՆ՝

1902 թ.ի օգոստոսէն մինչև 1903 թ.ի մայիս.
 Բաֆֆի խումբէն 1902 թ.ի հաշիւներէն մնացած դրամ 300
 դահեկան ողջ, Նոյն խումբէն 1902 թ.ի հաշիւներէն մնացած 61,
 Նոյն խմբի 1903 թ.ի յունվար, փետրուար, մարտ ամսանվարներ
 60, Նոյն խմբի միջոցով 238 դահիկ. հետեւեալ անձերէ հանգա-
 նակած՝ Կարոյ 10, Ոսկերիչ 50, Առաքել Թեւեան 10, Բէլիկեան
 10, Երկաթ 5, Ս. Ս. Կրակ 10, Ա. Մ. 5, Օ. Մ. Ա. 15, Թ.
 Փիշկընջեան 20, Ստեփան Գարակեօզեան 5, վեցհարածեանի մը
 վիճակահանութենէ 98: Կորիւն խումբի 1902-1903 թ.ի ամսա-
 վարներ մինչև 1903 մարտ 250, Նոյն խմբի շահասիրական մէկ
 ծնունդէն 199, Նոյն խմբին միջոցով 95 դահիկ. հետեւեալ ան-
 ձերէ՝ Գարեթեան, Տ. Յ., Գրաշար, Վ. Գրիգորեան, Մ. Թազորեան,
 Տ. Կարապետեան, Ա. Գարազաշեան, Գրիգոր Պարոյր, Ժըմակ,
 Պարզեւ, Թումանեանց, Գարեգին Մատեան 5-ական, Շէխ
 Ալի Խամլուրի, Հովսեփեան, Վարպետ, Կ. Թամիլեան 10-ական,
 Միհրդատ խմբէն՝ 1903 թ.ի յունվ. մինչև մայիս անդամավճ.
 200, Նոյն խմբի միջոցով 195 դահիկ. հետեւեալ անձերէ՝ Կոմիկ 20,
 Վահան 10, Ս. Ե. 20, Գ. Գալֆայեան 10, Մ. Մ. Մ. 20, Հուր
 10, Միլիկ 10, Մ. Բ. 5, Բարի 50, Վարդան 40, Միհրիկէն
 Արծիւ Արծրունիի միջոցով 16, Ա. 60, Սուր 40, Զար 20 դահիկ.:
 Գումար 1734 դահեկան:

ԱՆՔՍԱՆԴՐԻՈՅ ԿՈՄԻՏԷՆ՝

Հայրենասէր 97. 20 դահեկան ողջ, Ափր. Տրիպոլիէն Շահէն
 38. 20, Նոյն տեղէն տիկին Հովի. 38. 20, Եմառն (6 ամսավճար)
 25, Օհանէս 5, Պէր-ի փեսայ 10, Պարոյր 20, Յունաստանի
 «Կիլիկիա» խումբ 131, Տողան 8, Խալալաշալ 5: Գումար 378. 20 դահ.:

ՈՍԿԵՅԱՆԵԻ ԿՈՄԻՏԷՆ՝

Արիւն խումբ 198 դահեկան, Բար 14, Հայ ոմս 78, Միրզո
 Մուխոի 49. 20, Աղբիւր 49. 20, Բարտէս 33, Սարգստ խմբ. 111,
 Աւօ 321, Արիւնի Սուրինէն 165, Բոմբիւն 46, Բոմբիւն եւ ընկերք
 102. 20, Սարգստ խմբ. 38. 20, Որոտուրի հաշիւն 78, Որոտուր

խմբ. 356, Բովբին 41. 10, Կապար 16. 20, Սարգստ խմբ. 178, Սարգստ խմբ. 178, Բորենի 57. 30, Գիսաուր 17. 20, Խենթ 15. 30, Զաւէն 3. 20, Բաղդ, Արծիւ, Լուսին, Աղանի 99. 30, Բորենի 84, Գրքո 31. 20, Խենթ 135. 30, Գնունի Խոռխոռունի 17. 20, Կապար 17, Գրքո 232. 20, Խենթ 63, Եովագ 49. 20, Գ. 42, Զր. 21, Սուրինէն 21, Զաւէն 13. 20, Զ. Երկի 102. 10, Բորենի 66, Զեռագրից 71. 30, Զ.-ի միջոցով ընկերներէ 356, Կորսած զէնքերու փոխարէն 890: Միւր Կարօի ձեռքը՝ Միւր Կարօ 99, Միւր 178, Սուրին 99, Սրապից 99, Պղտո 66, Ե. Մ. 33, Ոմս-ի ձեռքը՝ Եղ. Գասպ. 132. 20, Զ.-ի միջոցով 253, Սիրեցեալ Վահագն 134, Մորուր 14, Արծիւի 33. 10: Ութ հարածեան մը (100) քամ-քուշտով 624, (2) դաշոյն 66, Բորենի Եռլիս 17. 20, Գնունի Խոռխոռունի 14, Աւօի 122. 20: Կայծակ խմբ. 50. 20, Արմաւիր 68. 10, Վիճակահանութիւն 59. 20, Հայ ոմս 99, Որոտում խմբ. 478. 20, Սարգստ խմբ. 114. 30, Սարգստ խմբ. 41. 20, Պողպատ 66. 20, Լեռնածորէն 165 դահեկան: Գումար 7690 դահեկան 30 փարա, մէծիտը 33 ղուրուշէն:

ԱՅՐԳԱՏԱԿԱՆԻ ԿԵԴՐ. ԿՈՒՄԻՏԷՆ

Գ Ե Տ Կ Ի Գ Վահանուն միջոցով.
Վահանունի 60 դում, X. 50, Հրացան 50, Զարտանաշէնացի 50, Զիշեան 10, Ասատուր 10, Կարօ 15, N. 20, Հիւր 26, Դարիք 10, Վէրք 5, Սաննոօրցի 50, Դարաքաղցի 10, Նատատակ. յե-շատ. 10, Դարաքաղց 10, Ողջակէզ 10, Արդիւ-Ռահիմ (պարսիկ) 10, Խուռնի (ասորի) 10, Էս-էն 10, Զլութայ 5, Միքայ-Մահմաձտ եւ Միքայ-Մէլի (պարսիկ) 10, Հայ 10, Հայ 10, Ոսկերիչ 5, Փիրաթամ 10, Ժամագործեան 10, Աղատութիւն 10, Համակորո (ռուս) 10, Աւան 20, Առաքնութիւն 25, Բարեգործութիւն 15, Սիրաք 20, Գուգարցի 10, Գնդակ 10, Պողոս Սո. 5, Համակորո 5 դում: Գումար 616 դում:

Տիկ. Աննա մի ժամացոյց 115 դում, տիկ. Նազելի 50, տիկ. Սանդուխտ մի ժամանի 16, տիկ. Մէրիւթուն 10, տիկ. Վարդուհի 10, տիկ. Մէրջան 5, տիկ. Աննա 3, օր. Ժաղիկ 5, օր. Սօֆիա 10, օր. Էլիզա 10, օր. Գուգուրի 5, օր. Հայկանդուխտ 5, Գիւղական աղջիկ 5, Հայասէր 5, X. V. 10, լում 5, Գիծ 3, Յոյս 2, Խենթ. 2, տիկ. Եւա 10, տիկ. Մարիամ 3, Ոմս 2, Դաւթեան 4, Միութիւն 3, օր. Աննա 2, օր. Ժաղիկ 2, օր. Հայկուհի 3, օր. Հայուհի 2, Ոմս 2, Աղբիւր 6, Վասկանուշ 5, Գուրգէն 3, Զարուհի 3, օր. Մարգրիտ 2, Խաղաղութիւն 5, Ոմս 5, տիկ. Խաղաղութիւն 5, Մ. Տէր-Մ. 2, Ոմս 5: Գումար 360 դում:

Շ ո ռ ա լ ե Ս ր ք ա վ ա յ յ ր գիւղերից (մարտ 27, 1903 թ. N° 3 հանգանակութեան թերթով).

Ամբակում քահանայ Արծաղանեանց 10 դում, Պետրոս 10, Բաբաջան 2, Երեցփոխան 4, Եղեայ երկրագործ 2, Դազար 4, Սարգիս 4, Մեսրոպ 4, Դաւիթ 2, Մի ոմս Սեդրոս 10, Մկրտիչ 3, Արամ 4, Եսայի 3, Բաբա 3, Զոհրաք 5, Տիգրան 4, Թա-րութիւն 10, Ալէք 10, Վահան 8, Թորոս 6, Սահակ 8, Խաչօ 8, Կապուտ 3, Կայէն 8, Մանուկ 6, Երեցփոխան Խաչիկ 3, Մարտիրոս Եարութիւնեան 3, Եղիա Եովասափեան 4, Պողոս 5, Վարդան 2, Աստուածատուր 3, Մեհրաբեան 6, Եովսէփ 4, Միա-ցական 3, Դազար 4, Ստեփան Զարարեան 4, Եովսէփ 7-էոր-գեան 3, Եովսէփ Զարարեան 4, համաբարձում 2 դում: Հ ա շ Վ ա ղ ա ն ա յ մ ա տ ու ռ ի ց՝ Խ. Եակոբ 8 դում, Բ. Աղախան 8, Ե. Աւօ 5, Ե. Եովսէփ 4, Ս. Աստուածատուր 2, Ա. Ստեփան 5, Ե. Թադէւրի 5, Առաքել 3, Ա. Դազար 3, Միքայէլ 2, Ակօ 5 դում: Գումար 240 դում:

Սուլթան-Համիդ խմբից (մարտ 27, 1903, N° 6 հանգանակ-կութեան թերթով) 170 դում:

Ընդհանուր գումար 1376 դում:

ԲԱՐՁՐԱՆԱՆԴԱԿԻ Պատ. ԿԵԴՐ. ԿՈՒՄԻՏԷՆ

Ս ա լ յ ո յ Զ ո ռ ի կնքը. Կոմիտէի միջոցաւ.

Ապահանեաց Ժաղկաւէտ շրջանի Սուրհանդակ գիւղի խմբէն (1902-ի հաշիւէն) 160 դահեկան, Արթուն գ.-ի խմբ. 60, Խոռոշք գ.-ի խ. 150, Զրա գ.-ի խ. 110, Զրագիւղցի Առիւծէն 80, Բլիտակ գ.-ի խ. 245, Մարք գ.-ի խ. 80 (1903 յունւարին), Խոռոշք գ.-ի խ. 120, Վիրաւոր գ.-ի խ. 150, Բաղիւր գ.-ի խ. 80, Արթուն գ.-ի խ. 60, Զրագիւղի խ. 100, Զարաղաշտ գ.-ի խ. 40, Բլիտակ գ.-ի խ. 110, Սուրհանդակ գ.-ի խ. 40, Մարք գ.-ի խ. 40, Գազաթ գ.-ի խ. 89, Փայլուն գ.-ի խ. 220, Բա-զարձակ գ.-ի խ. 60, Անըրդի գ.-ի խ. 20: Գումար 3014 դահեկան:

Ժ ո վ ա հ ա յ ե ա ց շրջանէն (1902-ին) իմնակունք գիւղի խմբ. 100 դահեկան, Նորաշէն 280, Կանանշ գ.-ի խ. 20:0 1903 թ. յունւարին՝ Աւերակ գ.-ի խ. 185, Պալ գ.-ի խ. 40, Կանանշ գ.-ի խ. 240, Զմակ գ.-ի խ. 80, Նորաշէն գ.-ի խ. 100, Զրէղձ գ.-ի խ. 60, Ժաղիկ գ.-ի խ. 100, Ենրմակ գ.-ի խ. 60, Իմնակունք գ.-ի խ. 310 դահեկան: Գումար 1900 դահեկան:

Ա ն ն ի ի շրջանէն Դժոխքի միջոցաւ 108 դահեկան Պ ու-

ր ա կ ի շրջանէն՝ Ապահան գ.-ի խ. 100, Սողում գ.-ի խ. 70, Տարօն գ.-ի խ. 100, Եանատակ գ.-ի խ. 303, Ժողով գ.-ի խ. (Սարհատի ձեռամբ) 100, Զար գ.-ի խ. 40, Խուղ գ.-ի խ. 40, Միջածոր գ.-ի խ. 40, Նէր գանազաններէ 205, տուգանք 130, Ժողովակտ շրջանի Պայծառ գ.-ի խ. (1903 մայիսին) 80, Փայ-լուն գ.-ի խ. 60, Ուրուակաւ շրջանի Հայաքնակ գ.-ի խ. 200 (1902 դեկտ.), 65 (1903 յունվ.), Պողպատ գ.-ի խ. 85 դահեկան:

Ընդհանուր գումար 5640 դահեկան:

ՆԱԽԱՆԱՆԳՍՏԻ ԿԵԴՐ. ԿՈՒՄԻՏԷՆ

Գ ո ղ ու թ խ. (1903 հաշիւին) 40 ուրլի, 30 յունիսից մինչեւ 16 յունիս՝ Գազան Տարօնացի խ. 59, Առիւծ խմբ. 49. 90, Մուշեղ խ. 32, Մ. Կ. Բ. Ի. Ս.-ի միջոցաւ 51. 70, Դերբիլայ խ. 3. 60, Արծիւ խ. ք. մաս 16. 80, Ժողովար 23. 20, Բոզ-Էօգուլ 8, Խա-շակի խ. 40, Ժիրիկաւար խ. 47. 60, Սուրհանդակ խ. 16, Հայ-կազանց խ. 50, Վարաղաւտ 60, Տարօնացի 47. 50 ուրլի:

Ջ ր ա շ է ն ի ց՝ Գ ո ղ ու թ խ. 62. 50 ուրլի, Խամուր քերդ խ. 50, Դարիք խ. 40, Վիշապ խ. 50 ուրլի, Արշաւիր խ. 27 ու, Գ ո ղ ու թ խ. 58, Խամուր քերդ 71, Դարիք 31, Վիշապ 42, Անտառ գիւղի Վազր խ. 10, Մի մասնաւոր խ. Արշակի ձեռքով 17. 40 ուրլի: Յուլիս 18-ից մինչեւ 30՝ Բաշքերունի խ. 27 ուրլի, Բազ-րատունեաց խ. 27, Եանթ խ. 15. 45, Մարգար 25, Արշաւիր 0. 60, Բիւրակ խ. 28 ուրլի:

Նոր Բաղարի Վարչ-ից (Տ.-ի ձեռամբ զէնքի համար) 300 ուրլի, Ահաբեկիչ խմբից՝ Բազէ, Աղբիւր, Հաճի, Առիւծ, Փա-րամազ, Եանթ, Պիշի 1-ական ուրլի:

Նոր-Կեանք խմբ.	8. 50 ուրլի	Դերբակ խմբ.	21. 05 ուրլի
Տապան	5	Արշաւիր	25. 60
Բաշքերունի	21	Ճորոխ	9
Եանթ	7. 10	Տարօնացի	9. 50
Ժողովար	15. 80	Արծիւ	8. 20
Նոր-Կեանք	15. 30	Դերիք	6

Մ. Եահնազարեան 5, Ե. Դարիքեան 15, Տուգանք մօրուսից 200, Զրաշէնի Խամուր քերդ 54, Կարէ 12. 60, Զրաշէնի Գանիկ խմբ. մի հրացանի համար 20, Տարալից 40, Սիմօնի անցեալ տարւան հանգանակութիւնից 5, Զրաշէնի Դարիք խ. 40, Արշաւիր խ.-ի 4 տղաներից 18, Մուշեղ 20, Բոզ-Էօգուլ 9, Վահրամ 0. 50, Բազրատունի խ. 31. 70, Վարժապետ 7, Վահրամ 0. 50, Ա. Մու-րատեան 1, Ս. Դազարեան 1, Ե. Միթարեան 1, Զորափորցի Միշասից 5, Ս. 8-նանից 100 ուրլի տուգանք, Մ. Աղա-սաբեանց 5, ու, Ապահանից՝ Կատարի Մանչից 10, Տ. Կա-տարից 2, Արաքսի Դրաւորի 5, Եովսէփ 10, Արծիւ խմբի Լուսիկից 5 ուրլի:

Մ Ա Հ Ի Ա Ն Պ Ա Տ Ի Ժ

Պոլսոյ Կեդրոնական Կոմիտէի վճռագրով՝ Պուրկասի 28 սնտուկ զէնքի գործին մէջ գլխաւոր յանցաւոր ճանչցւած և դատապարտուած Կ ա Ր ա պ ե տ Մ ա Ր-տ ի Ր ո ս ե ա ն ը տեւորի ենթարկեցաւ բուժանական Գալաֆաթ բաղաբին մէջ: Տեւորիստը ազատ է:

ԼՈՅՍ ՏԵՍԱԻ

Է. ԱԿՆՈՒՆԻ

ԿՈՎԿԱՍԵԱՆ ՎԵՐԲԵՐ

(ԱՌԱՋԻՆ ՀԱՏՈՐ)

Գիւրք բաղկացած է 368 երեսներից և պարունա-կում է «Կովկասեան Խաբրիկները» մեծ մասը, փոփո-խած և լրացւած, նաև նոր գլուխներ:

Գինն է 3 ֆրանկ, Ռուսաստանում 1 ու. 50 կոպէկ:

Խմբագրութեանս գիմել հետեւեալ հասցեով՝

Rédaction du „Droschak“, Genève (Suisse)